


龍集 三十三

列傳 三四
五六

黃氏家

光緒己亥





黃氏家譜

列傳目三

天行公傳

朱珪

松齋公傳

錢秉鈞

時菴公傳

阮元

繪齋公傳

董誥

巽川公傳

蔡英

大生公傳

毛聞

竹梧公傳

郡邑誌

謹素公傳

徐範川

誠菴公傳

戴殿泗

治章公傳

趙槩

南屏公傳

趙璜

浣屏公傳

趙槩

公重公周範公合傳

雲

靜齋公傳

潘庭筠

允中公傳

壽遠一

來百公傳

趙槩

續亭公傳

趙槩

璜麓公傳

鄭之罕

環溪公傳

盧栢

靜山公傳

余文儀

棊園公傳

趙槩

魏公公傳

毛聞

莘圃公傳

潘庭筠

殿立公傳


毛聞

岐陽公傳

錢秉鈞

遐年公傳

毛聞



黃氏家譜

其煥參校

裔孫纂輯 裔孫之忻訂正

履正檢閱

列傳三

天行公傳

太子少保
吏部尚書

朱珪

公諱自強字體乾號天行行新二百七十文瀾公少

子也伯仲俱無傳公獨承其祧事雙親友二兄旋相

繼逝世喪葬悉竭誠好讀書不求甚解工書法揮毫

若雲煙出交名士居娛棋酒陶然也配蕭山盛氏一
女庶郭氏得長子淳公年已五十四矣後連舉二子
方溥方沛悉命業儒朝夕課讀淳弱冠蜚聲黌宮義
方之訓居多晚年經理家政家頗羸然積而能散任
卹之誼膾炙人口女適石壁孝廉蔡之蕙相夫成家
無子公爲壻娶妾得閨女姓金氏卜諸神錫以黃花
落地變成金之語旋歸閨女染疾畱金於家不卽納
蔡女疾篤執夫手而言曰今所娶金氏尚畱吾父家
卜有兆可爲吾父養女吾死卽以是爲續配可也又

曰吾母死止生氏素欲代立祭田五十畝以竭烏哺之誠今已矣惜未了吾志夫憫而如其言卽立券以贈公作色曰爾挽我乎却不受聞者皆稱公之廉介焉郡守張侯聞公之行舉鄉飲賓享年七十有七而終偕盛郭兩太君合葬齊村山口青尖之原贊曰見利思義宣聖稱爲成人公之堅却餽田可謂不以利動矣豈齷齪近利者所能希哉

不以師禮矣豈猶舊時師也耶

贊曰良師極難宜深察其人必之望也


師者教也南太師命也

無懈安勉習聞公之行舉

節委非分曰爾必好平賦

女誠合司矣昔未下等志

曰吾毋我出也丹東給外



松齋公傳

丙午科舉人棟
選知縣邑人

錢秉鈞

梓軒

公諱可鎮字藩臣號松齋思亮公仲子嗣於世父成甫公者也冲夷和厚本乎性真經史過目了大義善居積聚而能散鄉里咸德之待人一本於誠能使詐虞潛消邪慝默化也金之屬邑曰東陽者與暨隣公嘗懋遷其地有爲盜誣繫獄館人告於公公出金脫其罪後一歲置千金貨尙未鬻公適以他事歸而託所主代售所主未卽售也閱數月而價驟昂直三倍矣豔其貲者慫慂之曰先旬日售可得一倍今三之

曷隱其二而歸其一於黃黃固不知也所主者曰黃君非欺人者吾奈何欺黃君吾不忍盡輸其獲於公公分金酬焉夜嘗有偷兒入室公知之呼之出曰若何爲曰以餓故公憫之與錢數千曰若母爲不義受刑戮也偷慚悔卒改前非後有外邑偷入境攫公物去既亦聞公之義夜投其物於門外而逸配陳氏大君有淑德子三長大倫舉鄉賓次大佐國學生季大侑縣學生孫曾入上舍遊膠庠者二十八人後來方未有艾皆公有以啓之也卒年六十有三

贊曰居停主人駟儉也不忍沒公之利偷兒匪人也
卒肯還公之財以公之盛德服人而至足以服駟儉
匪人斯非王彥方其人歟今則椒實蕃衍人文稱盛
焉

時菴公傳

兵部侍郎

阮

元


芸臺

公諱始上字律天號時菴益定公四子也益定公經
營規畫無不遠到公從後協贊悉當父意因顧而喜
曰大我門閭者必此子矣時偕兄宏建始升從甬江
仇公滄柱學誦習經書必求其可躬行者力爲體弱
冠與二兄俱蜚聲黌宮嘗曰經術足以經世務士人
遇於時卓卓著勲猷尙矣否則卽居家爲政何遽不
足展所學哉事雙親依依膝下務盡子職歿而哭泣
盡哀喪葬盡誠遠近咸以之觀禮康熙庚辰被災賊

寇蜂起公倣古寓兵於農法四處設立練長晝夜巡
守鄉里悉賴以安丙戌復荒公發粟平糶設厰煎粥
以濟窮餓嗣是而邑令下車必造璜山詢吏治焉公
嘗志切宗譜而嘆淵源未詳適覽山陰同宗藏譜知
自宗叔韋人編述歲戊戌延至里請同纂修其明年
相輿泛舟新安南過浦江義烏東走花亭孝義謁列
祖祠墓閣各宗志乘然後歸而編輯凡世系列傳典
禮藝文考據詳確酌古宜今又著家訓二十二則以
箴奕禩經三寒暑而竣事公之有功於宗譜也如此

晚建堂寢五座翼以廂吳興名進士沈公禔題額曰
永安堂蓋取惟安斯永之義也壬寅公年七十郡尊
俞公延爲介賓贈額曰古道可風享年七十有一元
配蔡氏早卒繼配董氏庶鍾氏子四長國鳳原居恒
登明經居怡居愷居恂上舍生

贊曰捍衛鄉井勇也調恤貧乏仁也至其志切家乘
則又本尊祖敬宗之心所藉以展其孝思也世稱公
富壽康強子孫逢吉而豈知公之獲福固自好德來
哉



Faint vertical columns of text, likely bleed-through from the reverse side of the page. The characters are mostly illegible due to fading.

繪齋公傳

大學士署
刑部尚書


董誥
茂林

公諱淳字敦素號繪齋天行公冢子也得公最晚鍾
愛公自幼敏達舉止以禮未嘗稍越畔弱冠補博士
弟子員文名夙著與邑中樓績壽致濶交最深嘗肄
業於敷文書院甫就學父病旋歸躬親湯藥不離左
右父囑曰予平生差無虧行汝承吾志慎之季弟幼
冲俛無失儒業遂逝公哀泣歔粥喪葬悉本家禮康
熙庚午外兄蔡之蕙與族甥鄺祖仁同舉孝廉踵謁
信宿畱連出遺卷欣賞久之自愧倖雋然公終老場

屋不作無聊之歎當道者每以書薦用終不一往日
韓詩外傳云喜名者必多怨好與者必多辱惟滅跡
於人能隨天地自然爲能勝理而無愛名數語吾師
也吾何藉乎要路以進遂絕意進取授徒鄉里遠近
來學者多名俊至其折鄉曲扶寡弱不畏強梁則又
趙羣軼倫非隨世波靡者所能希焉趙孝廉北野先
生與公爲忘年交嘉公之行傳其實蹟鑄諸藝文志
嘉慶己未以孫祖啓貴例贈檢討配蔡氏閑母儀
端壺範教子以義相夫以禮例贈孺人子二長人

英縣庠生幼入綱舉鄉賓孫五曾孫八世勲爲諸生
世杰上舍生餘皆成立

贊曰舊譜稱公讀書有閉戶之風行文有破竹之勢
洵然也乃趙外史作傳謂精於鍾王古蹟又見其工
於書法矣然公胸襟灑落所見者遠豈僅於尺幅間
求生活哉



本主西遊

外傳悉矣然各朝歷代皆有其人其

而然也其德也其功也其德也其功也

賢曰萬齡那公廟書有開可及風行

世杰土會也繪略知

英線平於以人際舉派賢將正會

巽川公傳

丁酉舉人
江山訓導

蔡

英

公諱大倫字五叙號巽川松齋公長子也松齋公暨
陳太君以勤儉起家而公益昌大之貌偉而神靜生
平不作一飾行亦不作一欺人語以德化鄉里鄉之
人畏公過於畏長吏爲不善者懼聞名焉性極孝雖
穢器必親自滌濯隣邨趙姓者忤母其母訴諸公公
招之來越旬日其人跪請罪曰公縱不我責我獨無
愧乎遣去後不聞其再忤又有訟山界者其山東西
皆公業公爲排解往山踏界東西各踏己山數弓界

之皆曰此公山也公諭之曰汝二人所爭幾何吾以
息汝訟也二人皆曰公真長者於是和釋交讓其舊
所爭界亦不受公山拜謝去時有兄弟亦以山將訟
聞之遂罷爭焉公喜讀書善屬文落筆數千言兩集
波注腕不給書援據詳確如宿構見者驚異以素多
痰疾不就風簷試凝神養氣未嘗遠出康熙乙未郡
尊俞公聞公德行聘爲上賓卒年七十有四
贊曰觀公居鄉務德化其有裨於世何如至聚書延
士散財濟困盧陵謂黃氏家範固然不必爲公數

大生公傳

增廣生毛

閩周望

公諱公偉字大生任卿公之子也任卿公爲吾暨名
宿歷試高等屢入棘闈連薦不售士林咸惜之子六
人公行居五嘗理青氈舊物冀承父業漸以厥考好
學昆季業儒理塵務無虛日遂棄硯田營家政及父
沒居喪無違禮葬祭亦以禮惟孝故能友伯仲怡怡
方之姜家亦何多讓性沈毅聞人言善輒喜不善輒
色變鄉隣有事折之以理和之以情由是衆欽焉其
族數千口春秋祠墓諸祭宰牲牢數十祭畢頌胙量

貲以給初貲無多頴亦無幾其後產漸增胙漸豐雖分理多人公之功卒不可沒也康熙甲戌歲大饑東邑行人過其地餓將死公見之扶至家以粥調之旋以食養之歷數旬乃辭去去時備路資使人偕往後數年餓者以物酬公辭之答以土實公不計報故其人姓字亦不傳嘗稽宋時衛尉公好施與建望煙樓望族黨之無炊煙者悉遺以粟公雖僅活東邑一人然猶有先世遺風焉其他善行多類濟饑一節不可殫述舉四子長全華次全嵩次全衡次全倫類皆克

紹箕裘無墜厥緒者其誕辰在崇禎甲申十月廿二
日亥時其亡辰在康熙丁酉十一月十三日辰時享
壽七十有四

贊曰善無不福天之道也公先世以望煙種德其子
孫科第連綿不絕公以拯饑昌厥後其裔博青衿列
成均者數十人登賢書隸仕籍者已數人天道福善
豈或爽歟

...

...


...

...

...

...

...



竹梧公傳

郡邑志

稍訂

公諱國鳳原居恒字久道號竹梧始上公長子也幼
聰慧五歲入小學能通訓詁九歲就外傳教爲文答
以人貴勵行何以文爲師曰功令取科第必須文又
曰讀聖賢書豈徒以科第爲哉大父辰樞公聞而喜
之屢詰問應答多出人意表旋讀書郡城外大父董
公家經史百子悉究其奧未弱冠名譽日外聞董氏
姻戚有婁姓者慕其才而定交焉遂以婁國鳳名赴
會稽試游庠食餼後復姓入原籍肄業敷文書院大

宗伯徐公蝶園中丞朱公可亭文宗汪公澹皆器重之稱曰文以理勝有醕無疵又曰前追震川後擬荆川試輒冠軍文鑄試牘由是聲價益倍其試棘闈也擬元定魁者屢矣數奇不果雋遂絕意進取居別墅靜遠樓以著述自娛所著有語孟問辨四書融註經書字義竹梧外編諸集先是有歷試草行世一時紙貴云歲戊戌父始上公修輯宗譜三載告竣校定儀禮家訓藝文列傳皆公協贊之力居多壬寅癸卯閏艱丁內外公泣血曰慘莫慘於親喪甫一週而親喪

三慘更甚矣廬墓三年終身不赴優觴乾隆丙辰
詔天下選經明行脩之士貢於廷文衡帥公擢公第
一旋卒享年五十有九配董氏五子江源江瀚庠名
三捷江湧庠生江潮江滙儒士

贊曰公甫就學卽以力行爲先不役役於科第其志
已不侔矣觀其文壇樹幟歷試不作第二人豈不工
於斲輪乎而省門屢踏頻薦仍遺所謂文章憎命達
其信然耶然文苑傳稱公行脩於家亦如其文士林
咸奉爲指南豈必以科第顯哉

...

...

...


...

...

...

...

...



謹素公傳

庠生徐範川

公諱居恂字信儀號謹素始上公少子也自幼謹飭有至性事親孝稍長隨諸兄讀書自相師友不涉戶外事旋代父理家政廢舉子業爲上舍生年十九因父勵志宗譜見舊譜多魚魯之訛參訂校正公與有力焉素與從弟人綱公相契協理六世祖石田公祀事續置田四十餘畝又善承祖父志言我黃氏世守青氈代有聞人子孫當留意教讀爰聘趙孝廉北野主教靜遠樓朔望肅衣冠設盛饌誠敬不稍懈時子

尚幼未就傅猶子三捷江源從屬祖啓文模夏書並
受業皆補博士弟子員實公有以培植之也族推公
總理宗社與衆約曰四民先士農吾族子弟多循良
嗣後父詔兄勉秀者使讀魯者使耕各盡職業倘有
游手好閒蔑視彝訓者協力斥之衆曰諾因奉故父
遺訓十則書於祠壁與族共勉勵敦古處時邑令秦
公勸詢訪來地見祠壁所書揖而進之曰予不德辱
臨暨邑安得都人士盡如公者相與維持風教乎歎
賞久之稱爲邑之仁里云公嘗以家廟昇隘竭力經

營祠帑欲更建於街衢之東惜天不假之年僅四十
有四而歿

贊曰聞公手植雙桂於祠曰爲諸生他年折桂兆及
歿八十三叟騰菴公築墻護惜指而戒羣弟子曰此
居恂公所栽也勿翦勿伐其與甘棠之念召伯也何
異嗚呼丹桂猶思之况其人乎

誠菴公傳

金殿傳臚


戴殿泗

東山


公諱人綱字植三號誠菴行滄五百八十九繪齋公
幼子也性渾厚貌蒼古喜讀書甫成童父疾寢食不
安侍奉經年而沒哀毀過成人事毫母先意承志躬
滌褻器行動時爲扶持事冢兄極恭惟命是聽宗族
稱孝友焉最與從兄居恂相友愛協理六世祖石田
公祀事增產倍多置塚舍募人守護會羣從昆季立
庠塾田成先志也至其處衆恂恂循謹未嘗有失言
失色族有窘急無告者必多方籌畫補救語兒輩曰

一本之誼不可忘也每念自幼棄舉業弗克世守青
氈故尊師重友培植後人悉出以真誠戒子曰師身
之模範也友吾所觀摩者也其可忽諸仲子克賢雖
力學有成而期望倍殷不以博一衿慰夙願焉乾隆
辛巳年逾花甲郡大夫與公廉其名詹孟冬吉日延
爲鄉飲祭酒遽於九月初二考終聞者哀之嘉慶己
未以子貴贈文林郎配呂氏贈孺人子四祖發祖啓
即克賢祖榮祖畢合葬刀鞘隴溪左之原
贊曰孝親友兄大本立矣乃孜孜於紹述之事惓惓

於詩書之訓承先啓後公殆一身兼備者與



德精善文膺承夫望魁公錄一良兼謝香與



治章公傳

翰林院檢討

趙 槩

公諱成功字治章滄八十九公仲子也少失怙與伯
兄尙武公謹事母鄭太孺人以孝聞時伯兄已冠能
任家政公惟堅志於學朝夕磨厲不倦督學顏公光
敷臨浙識拔皆雋士公與趙丞芳壽奕磐毛鏹同入
泮獲盛名時功令院試文場後案不即發遂試武文
童亦得換名武試公以功名難遂亦換名試武及案
發文武皆有名且高列公乃退武就文未幾伯兄逝
世遂悉以家務肩其任其時食指已繁而家不甚裕

公則竭力經營使食用不虧而以其暇讀書內外之
治井然不紊子姪則度其材資而授業於是冢嗣度
以邑試冠軍名重泮林季子府猶子金同遊膠庠皆
公義方之驗也宗族服公才推以爲領袖凡族有事
輒稟之而行振文教理風俗罔不次第興舉康熙庚
子族內續修宗譜考核校讐公與有力焉族有上舍
生大昌公者與公年皆八十德望並推邑大夫進士
秦公勸聞其風贈額以顏諸祠曰達尊二老旣耄猶
乘閒讀書歷赴秋闈其作撫藩諸憲觀風文本學以

實年開諸卷首各憲每加評語嘉獎嘆以爲盛世
佳事年至九十有六而終葬四十都西毛隴配蔣孺
人四子度剛府慶其時孫九曾孫十七元孫二椒實
繁衍洵爲熙朝人瑞

讚曰年登耄耄丰神矍鑠讀書夜分就寢作文援筆
立就此豈人世所易觀哉及觀其子若孫爲諸生登
上舍曾元濟濟五世同堂福壽兼臻又令人想當年
郭令公不置也



Vertical columns of text, likely bleed-through from the reverse side of the page. The text is mostly illegible due to fading and bleed-through.

南屏公傳

庠生趙


璜自天

公諱奇麟字景萃行彬百七十八南屏其號也父性成公母丁太孺人舉子六公最少益愛憐之公善事其親諸兄年長以倍事之如父當是時二人勤育於上昆季敦睦於下一堂聚順休風洋溢左氏所謂父慈子孝兄愛弟敬者胥於是乎在公生而魁梧多智畧遇事敢爲當二親之亡也公幼喪葬未能躬理及長知父母窳窳未善勤延堪輿徧覓牛眠乃於近山得吉土遷而葬之凡立墓碑植蔭木不以累猶子財

力悉獨任焉康熙甲戌歲歉桃蟲拚飛莽戎徧伏焚
廬劫掠所在多有父老咸警懼相聚而言曰事急矣
不可不設團練以禦之但必智勇信義素足服人者
以統其衆始不散亂不弛懈不各自爲此則爲誰僉
曰惟景萃公亦引爲己任衆遂踴躍奮興聚櫟以巡
操戈以衛聲勢百倍固踰金湯宵人聞風而遁事平
父老咸曰此景萃力也公善於居室裕阡陌肯堂構
建祀產立庠田凡所以承先待後者無不備暮年紳
士薦爲鄉飲賓郡廣文進士李公凱贈額曰名標洛

社淑配吳太君內德克助同庚借老舉丈夫子五廷
模廷機廷杞廷權廷橘女一適同邑孝廉趙枚子殿
雲孫曾繁衍國柱爲諸生乾隆戊辰正旦整衣冠謁
祖先端坐而逝時年八十有一

贊曰勇而犯上明堂不登若公者可謂善用其勇矣
觀夫宵小朋興井里倉皇公奮然爭先竭力捍衛所
謂義勇者非耶其享繁祉而振後嗣也固宜



Faint vertical text columns, likely bleed-through from the reverse side of the page. The text is mostly illegible due to fading.

浣屏公傳

翰林院檢討

趙

槩

一琴

公諱元勳字象賢別字浣屏行彬二百巽川公長子也狀貌甚偉資明敏幼即嗜書能文弱冠充博士弟子員旋入成均然性淡於名利嘗閱陶淵明歸去來辭輒朗誦其語其於所謂三徑就荒松菊猶存倚窗寄傲盼柯怡顏者未嘗不三致意焉且曰人生貴適志耳元亮我師也何必汲汲名利之域如蠻觸之戰蝸角爲又嘗讀後漢書見馬伏波稱其兄少游之詞曰人生斯世乘下澤車騎歛段馬鄉里稱爲善人斯

足矣每擊節歎賞以爲此語實獲我心故常以之自
況焉公居身悠閒不事躁進而其處倫物閑又甚敦
厚巽川公病臥床褥者經年公撫摩抑搔躬侍湯藥
終始不懈及卒困於苦出幾殆里人咸誦其孝康熙
壬寅歲歉公首倡以賑匱乏鄉里踵而行之翳桑無
餓人遠近咸稱其仁凡自親及疎由近及遠皆施以
恩誼甯過厚而毋薄即下而僕從臧獲每曰此亦人
子也何督過之甚故役使常順其情不加以疾言遽
色德配陳太孺人內德克助治家整肅舉子三長其

駒上舍生次其豹邑諸生次其駟上舍生皆卓然偉
丈夫也雖由其克自樹立要亦徵義方之不爽云
贊曰世之鈞聲華弋寵利者衆矣心爲形役不知如
何其憧擾也若公之奚落世事泉石優游琴書嘯傲
具有世外遠致其竹溪之逸耶其桃源之仙耶慨想
流風令人撲去俗塵三斗已

公重公周範公合傳

從孫雲翼天

公諱士華字公重以康熙壬子五月廿二日生爲人
倜儻負大志嘗曰人生當爲天地有用材而輒窮於
小試乃憊然曰達則爲良相不達則爲良醫此溫公
至訓也豈必困守文場哉遂託業壺中訂百氏之舛
誤辨四家之異同窮內經而蘊盡軒岐探青囊而祕
洩盧扁苦心堅志者數十年由是筆發春花技肉白
骨杖履臨門沉疴立起然存心濟世未嘗索人金錢
而人亦相與安之日者由剡旋里道經四十二都時

殿下石某病劇邀公眇眇甫投一匕藿然而愈石故
家貧將鬻妻以償負於邑不能爲懷公問其故具以
實告且云藉其餘以酬公公聞言惻然心憫乃傾囊
贈之而歸他若施丸散給藥餌種種不能殫述家依
鑪山築書室數椽顏曰梅溪書屋延師課子栽竹品
花暇則試釣清流瓢笠蕭然以乾隆癸亥二月十六
日卒壽七十有二家嗣周範公諱文模號墨林幼即
穎悟於書寓目輒能記誦年十六受業於趙孝廉北
野先生深器異之爲文精湛不加繩削而自合弱冠

補博士弟子屢試高等食餼凡十戰鄉闈而卒以明
經老其材公於經史百家莫不淹貫陰陽象緯悉皆
旁通而尤精於岐黃之術喜吟詩作畫酒酣興高時
而詠歌時而潑墨恍然王摩詰之在輞川也與山陰
泰交吳公最友善常以詩詞相贈答吳公每心折之
及吳公貴顯致書相招終辭不往其制行卓卓又如
此晚年醫名大盛不在公重公下而普利之心確肖
乃父年七十有三而卒配許太君舉六子州巖河岡
坡樓孫行則蘭玉森森滿庭階矣

贊曰昔史遷爲盧扁立傳而靈樞素問又見於班固
藝文志丹溪朱氏問禮錢氏爲理學宗而皆以醫傳
醫豈薄技也哉二公之才固足用於世乃一困於小
試一老於明經其塞於遇何如耶然皆寄跡壺中以
抒其宏濟之仁服膺溫公至訓卒不爲天地無用之
材自待諒不薄也而終獲享遐齡椒實繁衍食報蓋
不爽云

靜齋公傳

賜進士出身陝西道監察御史翰林院編修

潘庭筠


德國

公諱品玉字上珍號靜齋彬二百五十五其行也自幼倜儻敦氣義雖早棄舉業而動合儒術每談論古今得失繩引珠貫娓娓不倦治家以嚴食指雖繁嘻噉無聞焉初家計不贏至公而省度支節服用日漸豐盈建大廈數百礎不事雕飾或有以致美勸者公曰吾家故草茅也得一椽之庇足矣且恐以是啓子孫奢靡漸也公秉性無私曲義聲早孚族里凡先代祀產悉推公總其事初祀貲不充至公積貯生息日

臻饒裕有以產求售者擇沃壤歸於祀自取其礎确者增置七世祖石崖公祀田三十餘畝曾祖鴻序公祀田五十餘畝義卿公公之祖也恃公經營置田三十餘畝嘉慶戊午新建家廟實基於此惟是春秋享祀飲福受胙子姓振振飽德勿替凡食祖之賜者一如食公之賜也晚尤好施與遇歉歲必出粟以周貧乏僮僕傭力有年者公慮其後之不克振拔也計值足相當還所質禮而遣之族人仰給於公者以緩急告即如所需以應久而不償即毀其券如是者歲凡

幾輩蓋公之好行其德多類於此禮曰尊祖故敬宗
敬宗故收族如公者始爲得之配楊孺人有婦德著
於里閭子二人長祥圓舉郡賓自有傳次祥方公生
於康熙乙卯年十一月廿五日卒於乾隆丙寅二月
十三日享壽七十有二

贊曰崇祀事孝也恤貧窮仁也仁孝兼至蔑如公矣



十三日卒諡少十有二

外甥陳心職年十一其廿五日卒於海濱到因與二月

外甥張子二人其漸備舉縣簿自官制大物式及中

始宗始也效晚公善行誠毋女賄謝人育後分善

效輩蓋及之效許其齡終賦然此甄曰尊脈姑姆宗

允中公傳

邑庠生壽達一

梅坡

公諱啓本字允中號銳齋世居邑之璜山太學生潛
生公仲子也家素封而性倜儻豪俠好義潛生公見
其不事生產心殊不悅曰是兒當壞吾家公旋入成
均所與遊皆當世名士如錢塘顧太史震同邑湯中
丞聘東陽盧博士宏啓其尤著者也顧公方膺鄉薦
北上乏資公餞行解橐以贈是科捷南宮入翰苑乃
喟然曰此我啓本之所賜也湯公未遇時業貿遷紙
花走深山窮谷中暇即讀書旅舍公聞物色之知其

非常人也遂定交及二公秉文教任方面並招以書
皆不往二公益心敬之公之豪俠好義也務爲其遠
者大者有利於民生者當乾隆辛未壬申閒值歲洊
饑穀價騰貴朝廷賑恤屢至而荒山僻壤之民待
澤未遑朝不保暮因詔郡縣官勸豪民出藏粟修復
朱子社倉以備凶荒公糾同志者呂君毓賢蔡君方
澍等建倉儲粟時其出納一時雖遍設於各鄉而細
大有程可久而不壞者惟公之制爲善生平不畏強
禦遇不平事輒義形於色務求得當而止蔡氏從甥

援例入監銀被銀鋪乾沒名登冊而實收未給其人
夜逸掌冊吏乘機匿詐公爲稟撫軍具言捐貲入監
國家所以拔英俊豈容因鋪戶失職而胥吏舞弊使
遠近聞之致失士心撫軍頷之爲檄藩司查冊果信
不誣蔡事獲全公之豪俠好義其行事大率類此至
全族誼還身券人多能之不足爲公詫居久之潛生
公年臻九十顧太史手書堂聯湯中丞書軸稱觴而
登堂拜祝者七十餘人皆一時知名士也於是潛生
公喜曰向吾以是兒徒豪舉耳今而知其不妄交也

彼此有屋蔌蔌有穀者雖出萬金其能致一賢人
君子於下里也乎哉元配張太君生男三長鳴鏢太
學生次鳴玕次鵠飛邑庠生
贊曰昔太史公傳游俠稱其人有足多者然又譏其
行不軌於正義試觀公之豪俠好義顧可同日而論
乎語曰不知其人視其與行苟不軌於正義豈能見
許於當世之名公鉅卿與讀書敦氣節之賢士哉嗚
呼吾不能不傾心於公也已

來百公傳

本邑內翰

趙

槩


一琴

公諱瑞景字來百號璜溪永滔公長子也幼失怙習
舉子業家貧無力就外傳閉門研讀凡經籍註疏皆
克背誦兼旁通子史作文以理法爲上不以藻采及
側徑炫長受知於督學鄧公遊庠鄰鄉有慕其學行
之優而延以爲師者公輒曰吾有母在不可朝夕離
也因家居授徒族之善教子弟者爭令受業焉故其
門類多雋士公性孝友弟瑞發不事生產以梟盧爲
事母陳太孺人偏愛憐之公閒因勗其弟輒增母氏

怒而公之問安視膳終無一日懈公懼弟之將蕩其
家業思分析之俾知痛癢在身可稍悛然其性情依
然旣析產蕩盡并鬻其母之膳田公以己貲贖其後
弟家益窘公每分給之及其母之逝世也喪葬之費
盡出於公弟亦旋卒遺一子不慧公曰是總吾弟一
塊肉也撫之如己子伯父名念之無嗣每不樂家居
旅食於外公迎而膳之及卒喪葬皆盡禮其厚於骨
肉者類如此處族最沖和凡有爭論必悉力平之使
兩家和好乃止凡親疎小大皆處之以卑牧故遠近

俱服其爲人德配趙孺人舉二子廷本廷森孫大卒
年七十有四

贊曰昔潁考叔喻蔓草曹子建誅荳萁伯仲間未免
有賊恩之慨矣公於弟不寵不煎冀其相與有成友
于之性何其摯耶至若處族黨善氣迎人謙光之吉
尤足多焉



大政奏賦

于之劫以被軍事生浮烈劫黨善果以人無...

齊短風立助突忌飲能不甜不飲...

謂曰皆得休以和護軍實于感...

平山...

增頭真微人...

纘亭公傳


本邑內翰趙 槩 一 琴

公諱祖發字開周號纘亭誠菴公之冢子敬齋公之
長兄也兄弟皆優於資少時父延本邑趙孝廉北野
爲其子師甫通孝經論語師即謂之曰此皆君家干
里駒也培之必大成公年二十四知家不中貲且念
父撫養食指又教子讀未免拮据遂請於父曰父教
二子讀義方甚摯亦以見鳴鳩均平且兒非不願學
之成也顧先疇不厚而吾父旣勤育一家又延師以
教二子事端紛繁日給不遑後將何繼不若令兒棄

學服賈專教吾弟不惟可專力於弟而兒亦得分吾父之勞也父憐其言而然之自後敬齋公從學婺東盧鎬泉師或延諸璜山或開館婺邑皆負笈以從所須膏火必親致之凡赴試必悉偕行贖費旅斧罔有或踈此皆余所目擊而稔知者也公既敦內行而處世待人亦克赴緩急而固終始凡親朋往還屬以事已諾必踐不辭艱難有古俠士風公獨艱於所遇原配呂孺人舉一子世熙續配謝孺人舉二子一女相繼早逝世熙又無嗣公內傷其心不復如前之奮

興矣厥後郡舉鄉飲賓享年七十有二以弟之孫之
烽繼爲孫

贊曰家庭庸德君子所難以觀公之操行使父心安
使弟名完其殆孝友性成者歟



與前論定在遠學文抄知香煥

詩曰金瓯潰漸碎于似鑿以贈送之熱於對父心

秋錄錄錄

與定風俗錄舉職煇寶享平少十官二以崇文廣本

橫麓公傳

舉人鄭之罕 凡修

公諱其駒字日干橫麓其號也爲浣屏公長子幼而岐嶷甫成童便卓犖不羣浣屏公遊膠庠家業頗繁公即佐大父經理出入并侍候晨昏常能得大父歡心故浣屏公得專意經史蜚聲黌序蓋斯時公年未冠而家聲之振已與有力焉年三十與仲季二弟協力營繼述堂凡數十楹屏山面水一切相基度材皆出自公落成後一堂雍雍椿萱並茂壘篴叶吹靄然有太和氣也鄉里羨之各訓其家當以公爲法公旣

入成均意不自適每於客座閒談古來豪傑歎曰丈夫生斯世不當如是耶言已輒束身起舞倜儻之氣時驚一座或一時興酣跨駿馬率從騎去東南三十里大山閒獵數日發縱指示觀左右角逐以爲快所得麋鹿狐兔聽人取去論者曰公心慕詩書儒雅因親家政早久廢舉子業胸中奇氣鬱鬱無所洩偶藉此以寄意爾性又揮霍好義困阨無告者拯濟弗吝莫逆貧交輒指困以贈豪右凌轢孤寡正色面折之其不畏強禦又如此配余孺人母儀無愆內助稱賢

舉子三公以康熙乙亥生乾隆丁丑卒享年六十有

三

贊曰豪興蓬勃縱獵深山近於俠矣及觀賑貧困扶
寡弱公又義士也以義行其俠豈行不軌於正義者
所可同日語哉嗚呼吾以此知公爲人傑也已


祖國自謂新朝聖君以興收為欲人對也

禮部公又葬士也及葬其地豈許不神效五錄

贊曰秦興藝修蠡經斯山我欲於矣其贈

三

舉子三公以激烈了支坐講鶴下長卒享中六十



環溪公傳

諡封貴州道
監察御史

盧

柏鼎雲


公諱祥圓字通侯號環溪靜齋公之冢嗣也公性至
孝事二人先意承志舂鞫鞠踞勤勤色養未嘗少離
左右故父母亦極鍾愛之幼穎悟甫成童出語已驚
其長老見者咸以大器期之後以家務日繁棄舉子
業勤父理家政貲財日益饒好施與賙卹困窮畧無
德色生平務敦樸素不喜浮華布衣綸巾芒鞋竹杖
優繇自得遇高年碩德敬禮之如父兄儕輩中有砥
礪廉隅束修自好者極力獎借且令子姪輩親近之

與人接無少長必恭敬止見人有過失輒回容之蓋
嚴於律己而薄於責人如此人亦多以此重公云弟
媳周孺人青年守志公待之甚厚以次子希麟爲之
後尤隆重師傅嘗曰吾家不可斷讀書種子故延師
教子弟朝夕切劘亶亶不倦幼君鶴羽甫踰弱冠蜚
聲覺序其孫琮從予遊厥後受知於督學儀徵阮公
補博士弟子員皆公義方之訓所致也乾隆甲申太
守鄒公舉行鄉飲典廉公德行舉爲大賓延之上座
歌鹿鳴奏陔樂拜至拜送異數有加顏其閭曰聖世

耆英享壽七十有五配金孺人出名門秉淑德孝敬
無違克稱內佐子六人長希賢次希麟出繼胞弟祥
方公次希義次希仁次希禮幼鶴羽縣學生與予善
孫男二十人或勤稼穡或事詩書在庠者大魁琮曾
孫二十餘人

贊曰易言積善餘慶書稱作善降祥有旨哉以觀公
躬行仁孝孜孜焉如不及而身膺富壽累葉藩昌積
厚流光孰非公有以垂裕後昆哉

一
 二
 三
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十
 二十一
 二十二
 二十三
 二十四
 二十五
 二十六
 二十七
 二十八
 二十九
 三十
 三十一
 三十二
 三十三
 三十四
 三十五
 三十六
 三十七
 三十八
 三十九
 四十
 四十一
 四十二
 四十三
 四十四
 四十五
 四十六
 四十七
 四十八
 四十九
 五十
 五十一
 五十二
 五十三
 五十四
 五十五
 五十六
 五十七
 五十八
 五十九
 六十
 六十一
 六十二
 六十三
 六十四
 六十五
 六十六
 六十七
 六十八
 六十九
 七十
 七十一
 七十二
 七十三
 七十四
 七十五
 七十六
 七十七
 七十八
 七十九
 八十
 八十一
 八十二
 八十三
 八十四
 八十五
 八十六
 八十七
 八十八
 八十九
 九十
 九十一
 九十二
 九十三
 九十四
 九十五
 九十六
 九十七
 九十八
 九十九
 一百



靜山公傳


刑部尚書 余文儀

公諱其豹字蔚文行燦一百八十八號靜山幼通義
易博聞強記鏖戰棘闈不獲竟行其志然內行烝烝
修飭年少事父母先意承志舉能得歡心逮母陳太
孺人患病久不痊公婉愉其側凡一日數舉藥餌必
躬親之致中夜不就寢者閱數年以視人子舍滌廁
踰者相去何如天性蓋獨摯也家素封或有覬覦每
陰解之不以累昆季也庭內相聚太和之氣溢於顏
色見者爲之情怡閨中肅而雍相敬如賓性極謙下

凡與人接殷殷以禮意遇之至戾者亦氣爲之平也
以故宗黨中絕無忤者丈夫子六延經師刻意督責
允嗣河清賦性孝友秉質嚴毅蜚聲頰壁擅名文壇
其次夢麟嗜學得瘵而喪明之痛責備益勤自尊長
逮畀幼衣食奉養之屬同室晨昏出入啓閉之節樹
種蓄養桂蒲材幹器械之資一切身任其務蓋慮妨
所學也觀所操治其先世之遺行歟居今之世志古
之道所以自治也以其所爲希其所得聲名雖隆所
由殆與前哲異矣曷若自盡其道而無所期者之爲

適也且理有必至先公衛尉開府方其濟人之阨困
豈復知奕葉握圭組之遇哉情殷於中不忍坐視鄉
里顛隕而致燕山之休天之報施何如耶謂天道無
知彼無所恃者階之惑耳反躬以存誠有不爲天之
所佑也耶如公之篤行而率以義方之訓吾知光乃
祖之風聲者將於是乎在內助郭太君有婦德舉五
子河清夢麟夢鯉夢蛟夢彪庶蔡氏一子夢鰲生康
熙戊寅卒乾隆乙酉壽六十有八
贊曰公敦內行潛德素位而積厚流光鍾生賢詰理

有固然吁尚德之儔歟



Faint vertical text columns, likely bleed-through from the reverse side of the page. The characters are mostly illegible due to fading.

裴園公傳

翰林院檢討趙谷槩一琴

公諱其駒字上苑裴園其號浣屏公季子也幼習舉
子業已能文甫成童而浣屏公逝世母陳太孺人又
每患痰疾公既傷浣屏公之逝而不克盡其孝養也
益依倚母氏凡視寒煖嘗藥餌朝夕左右未或頃刻
離於是不暇赴小試即捐貲入國學上舍生諱其駒
字日千者公伯兄博士弟子諱其豹字蔚文者仲兄
也日千公性豪邁而不拘謹蔚文公性謙抑而不踈
畧公則各順其性而事之於豪邁者不以瑣屑拂其

情於謙抑者不以簡脫違其意將以恭順而罔有弗
協當是時太孺人頤養於上公等壘篋交叶於下懽
欣交暢雍雍一堂識者以爲浣水黃氏家風至是爲
彌著云公敦內行善居室而與世因應一以和氣行
之宜貸宜予亦絕無所吝乾隆辛未歲歉米騰貴如
玉戶多餓者大吏行地勸富者捐公商諸族曰吾季
世也即不能如先祖之建樓而見無煙者概貸以食
而衆擊易舉不可使一方無以延且夕遂其捐米煮
糜以濟餓人鄉人賴之城隍廟左右廡爲各鄉土神

競飾其龕公龍泉鄉人也見神龕闇然無色獨捐金以資其修費鄰地有馬姓者因家有急事鬻其子於公鬻後其父屢踵公家公詰之曰吾老矣祇有此子前爲不得已而鬻終因不忍割而戀所以屢造公門者圖一見以舒吾情也言已涕泗交下公惻然曰胡至是哉卽出券還之父子欣受拜謝而去其居家儉而施貸不吝者類如此德配陳太孺人與公正內外以教其子子凡五人長夢璋修職郎次夢珍次景忠邑諸生次夢瑛次夢瑚上舍生俱名行卓然年四十

有八而終今則孫曾聯翩繼起矣

贊曰和平溫厚善氣迎人一堂敬愛誼亦及隣惜不

多予以齒緒未克竟而遽停

刺太微人與及五丙校

人皆曰其終數之父子亦受其德而去其母家翁

吾國一員以活吾辭少言曰辭既交才公謝然曰階

道為不終守而歸徐因不區等而徐復以觀發公門

於其父過其及深公語之曰吾生矣漸育此于

也其於吾亦以此事而致香因於其意事歸其于然

其論其論公之泉人由良輔論關然無否辭計金

魏公公傳

增廣生毛

聞周望

公諱應琦字魏公備三公長子也備三公家不及中人產公昆季五人以勤儉佐其父置田園營宮室家致萬金後因食指浩繁不得已始析產雖既析如未析怡怡有姜家風焉公爲人溫厚和平闔族咸愛之鄉隣戚故對公者皆如飲醕醪又具幹濟才與理宗政數十載秉公無纖私曲故終公之世祠貲充盈至今宗人念公之功不置焉其他訓子以義傳家以厚樸者使耕秀者使讀猶子孫行遊庠者八人皆公貽

謀致之也配陳孺人舉一子廷聘膺鄉賓繼吳氏舉
一子廷建公生於康熙癸巳十一月初十日酉時卒
於乾隆壬辰六月廿一日午時享年六十有一
贊曰厚德載福福止及身猶薄也余觀公以厚型家
享於生前蔭於後嗣子若孫祚未有艾者非皆公德
所庇哉詩云君子有穀詒孫子維公有焉

人妻公... 五人... 其父... 田... 官... 家...
公... 公... 公... 公... 公... 公... 公... 公... 公... 公...
公... 公... 公... 公... 公... 公... 公... 公... 公... 公...

公... 公...

公... 公...

公... 公...

蘇八莘圃公傳

賜進士出身陝西道監察御史翰林院編修

潘庭筠

德園

公諱應任字再尹號莘圃全華公之次子也幼有至性才畧過人事父母和昆季孝友之聲無間內外既長棄舉子業入上舍立身醇謹雖晏處不苟笑語與人交不肯少欺故雖爲諸生而遠邇士夫以至里兒田叟強悍無藉之徒無不知敬畏者性篤於義宅之西有龍溪每當山水迅發奔流瀕洞厲揭多艱而璜山當大道之衝上接金衢下通吳會絡繹往來者視爲畏途公惻然憫之遂解橐金造橋以渡行者旣成

又捐田十畝歲以所入爲修葺計命後人永仍之勿替嗚呼至矣世之人擁多貲工筭算度其所爲不過飲食居室之是謀聲色耳目之是好他弗問也公以中人之產而屈力殫慮見義勇爲又必使後者率其所爲其於爲人賢不肖相越豈不遠哉其他居宗族之中任恤必周居戚黨之屬存問必謹謀人必忠與人以恕蓋一生之志行大率類此公生以康熙庚子二月廿二日卒以乾隆辛亥三月廿一日越數年將建八世祖石崖公家廟於里東咸思莘圃利濟之功

不可無以酬也與其子廷照等商度作室於廟側以
酬照等固辭不得乃曰諸公以有施必報其情厚矣
但我父祀貲頗贏費可自祀出焉遂建小廳三楹以
奉公主配祀春秋子男三人長廷照次廷璐次廷益
類皆謹守庭訓克承厥宗云

贊曰公之美行不可殫述觀其睦鄉里捨義橋義聲
所孚流傳不衰積善餘慶有必然者

不交好善翰題育必然皆

公家不... 其自... 德... 德...


宗云

三人... 我... 益

出... 三... 以

不... 其... 以

不... 其... 以



殿立公傳

增廣生毛

聞

周望

公諱應佐字殿立備三公之三子也早年入太學諸昆季後先圖名各以事牽公獨營家政父病侍湯藥奉旨甘者不懈病甚食肉不變味飲酒不變貌笑不至矧怒不至詈及卒毀瘠不形視聽不衰居喪未葬讀喪禮旣葬讀祭禮事父如是事母亦如之其孝行有如此者昆季誓不析筋協力同心置田園營宮室視先世所有擴其大半後因食指繁勢不能支始析產雖旣析猶必厯數日各出盤飧合食一次其友愛

有如此者公睦於宗族族人有過輒規不悛輒正色
叱之罔不服姻黨有以不平愬者務排解之閔出己
貲以酒釋之其睦姻有如此者公廣交遊不輕諾諾
則不欺四方士有事咸倚之復倡立祀會族有亡而
乏嗣者每歲春秋取給於會俾其親屬以時設祭於
墓其貧乏不能自存者量口給貲毫無德色其任恤
有如此者德配金孺人產望族嫻姆訓相夫子無所
違在中饋无攸遂公所以得行此六行者孺人與有
力焉生子三長廷彩次廷琇縣學生次廷國上舍生

諸孫森森玉立頗多雋才公生於雍正丙午三月十七日戌時卒於乾隆癸卯七月初九日未時享年五十有八

贊曰百行孝爲原惟孝故能友孝友故睦媯睦媯故任恤自然之理也執此意以觀公之行雖未盡其細而大端已舉矣且其敦善行而不怠者非獨公德茂也蓋有相之者焉金孺人以治內之功致富家之吉豈非天哉傳曰嘉耦曰妃其公與孺人之謂乎

其公與無人之

其公與無人之

其公與無人之


其公與無人之

其公與無人之

十官八

其公與無人之

其公與無人之



岐陽公傳

丙午科舉人錢秉鈞梓軒

公諱應祥字鳳來號岐陽邑之璜山人也性剛正重然諾遇事敢言無廻曲生而友愛髫年知讓處昆季閔恂恂若成人及長以食指繁謀析箸是時家不中貲公力自節嗇課農桑勤樹畜漸致素封遂援例入上舍夫世之操奇贏而致富厚者往往爲自奉計則曰千畝竹千樹桑足與千戶侯等爲子孫計則曰千奴千頭歲收千匹不啻陶朱猗頓之伍孰肯念先人宗祧之重并以餘惠波及族黨而下逮泛泛行路哉

乃觀於公則遠甚黃爲暨望族歲時上先人冢率劊
豚數十羊數十頌及子姓勢不易給公力任經營省
冗費平操割積貯生息於先祀舊產更增置焉疾篤
召其子廷石曰吾生平無他恨惟我族宗譜闕七十
載未脩輯汝異日其力勦之目乃瞑其篤志於宗祧
如此族有貸於公者公無不應力能償則償不能償
亦不問也其厚於族誼又如此且暨與金郡接壤凡
金郡入省之路半由於暨璜山其孔道也負擔行人
絡繹不絕每當溽暑蒸鬱鑠石流金勞者不憇惡木

之陰暘者徒望冷風於秋涓滴之投惠深一飯況由
此而入金屬浦義諸邑村杳路迂郵亭絕少往往求
杯漿不可得公惻焉憫之爲建茶亭一所置田十畝
以效井收勿幕之意公之爲德於行路者又如此德
配吳孺人以勤儉佐公成家家貲日益贏餘內助之
力爲多舉丈夫子三長安邦郡庠生次萬年甲子舉
人季永年縣學生孫曾遊膠庠掇科名騰驤未已公
以雍正庚戌十月生以乾隆辛亥六月卒享年六十
有三

遐年公傳

增廣生毛


聞周望

公諱應燦字明遠號遐年全華公幼子也全華公視
公頭角嶄然才智不凡素愛憐之嘗與其母毛孺人
曰此吾家駒也異日擴家計理族務非此子歟性至
孝其兄四人各以事牽公獨不離左右生服勤疾嘗
藥喪能哀祭能敬雖諸兄皆然宗族尤稱其孝焉事
兄能弟析筋後每值佳節務設盤飧敬迎之諸兄造
飲靡不盡歡菜果初熟不先嘗必遺之兄沒哭而哀
至失聲鄉黨咸稱其弟焉公善理財棄舉業營家政

貲日益饒視分析時所有蓋倍以什伯焉然不私所
有凡隣族戚故之貧乏者未婚者告則給之又欲建
八世祖石崖公祠以艱於貲爲憾謀積儲權子母計
毫釐多歷年所卒無成功乾隆丙午公有疾殆弗興
弗悟小愈囑其長子廷虎曰生平大事在建宗祠我
死汝營建之廷虎泣而誌之不敢忘未幾卒公生於
雍正癸丑十一月廿四日亥時年五十四廷虎承考
命欲成考志生息十有二年至嘉慶戊午仲春之月
其祠始成全華公預決其擴家計理族務者至是始

驗其言矣德配毛孺人舉子三廷虎廷榮蜚聲黌宮
廷珠入成均孫及曾孫多雋才非皆公延師訓子督
課不倦之報歟

贊曰君子將營宮室宗廟爲先遐年公創其業廷虎
繼之樸斲丹雘費逾萬金以妥先靈以啓後人其他
事固難能也獨嘉其事尤大者示子孫當以時修祖
廟焉



聖國難治由僻處其專於大等亦子孫當以勤治而
 勵之射濶世艱費銀萬金以資其費以終終人之死
 錯曰孫子孫營宮室定宗廟欲求其壽也其難致矣
 精不勤之辨族
 致將人與以孫氏會孫氏會孫氏會孫氏會孫氏會
 願其言矣勤治生勤人舉子三致與致幾幾幾幾幾

黃氏家譜

列傳目 四

蟾枝公傳

盧炳濤

敬齋公傳

李涵醇

崑圃公傳

杜學海

汝耀公傳

周臺

菊巖公傳

程抒

虛谷公傳

王應銓

儀友公傳

王其煥

佳峯公傳

王景沂

鎮邦公傳

陳祥曦

聖和公傳

之炳

磻溪公傳

之炳

其國公傳

之炳

燾齋公傳

之炳

融妹公傳

之炳

其國公傳

之炳

黃氏家譜

黃氏家譜

裔孫 篆校閱

之炘編述

裔孫

裔孫福慶校閱

其煥訂正

裔孫履正校閱

列傳 四

蟾枝公傳

翰林院庶吉士江南道
監察御史吏科給事中

盧炳濤 秋槎

公諱丹植原公桂字蟾枝號鄧林完璞公冢嗣也自

黃氏家譜

列傳

蟾枝

一


卷之

幼穎悟好讀書長遊頻水負異才僇傑廉悍晚傲一
世與浙東知名士盧明經武營吳孝廉惺菴宣大令
景巖輩結詩文社議論證據今古出入經史百子踔
厲風發率常屈其座人莫不嘖嘖稱羨曰子天下才
也公斯時亦竊自負居頃之遭家不造幕遊粵嶠一
時名公鉅卿奇其才相見恨晚爭欲令出我門下交
口薦譽之若索學士慈航潘太史稼堂孟太守蘭谷
推轂者頻矣然數奇不偶其去而將之侘城也泊三
衢雞鳴塔下枕畔膠膠驚斷旅夢遂口占一絕有雞

鳴塔下聽雞鳴之句凡客途行吟昉此因以名其集
詳公自序中蓋取風瀟雨晦以擬迤邐艱難之况焉
嗣是陟羅浮登匡門探鱷溪珠江之險謁曲江昌黎
之祠所歷山水名勝往往歛歔憑弔托咏歌以見志
而其客粵十數載與名公卿宴會唱酬雖亦興復不
淺然時而鄉夢縈思舊遊憶別其憂愁牢騷之氣恒
流露於楮墨間蓋中之憤懣者深矣卒之淹遲異鄉
賚志以歿悲夫自古磊落英奇之士負才屈抑著書
立說者何可勝數屈原放而作離騷韓非囚而作說

難虞卿以窮愁著書史遷以刑辱著史大抵皆古人
發憤之所爲作也以觀公之懷抱利器鬱鬱無所試
長歌短嗟以抒遊子羈人之恨其意同耶異耶居常
所著述多散佚不可見所存僅鄧林文稿數卷雞鳴
集詩稿數卷皆公手錄書法道麗至今手澤尙新公
以順治甲午八月生以康熙己丑五月卒壽五十有
六其卒也粵士人治喪具視含殮弔奠者數十百人
訃至扶柩歸與淑配閩人孺人合葬茅竹蓬之麓
贊曰語云才難信然哉顧吾謂非才之難才而遇知

於時之爲難讀公之詩跡公之行可想見其爲人獨
惜其懷才不遇耳雖然士得一知己可以不恨公則
浙之士大夫知之粵之名公卿知之所謂伸於知己
者非耶雖坎坷終身豈類名湮沒而不稱者哉



Faint bleed-through text from the reverse side of the page, including characters like '黃印家譜' and '集其堂'.

敬齋公傳

大城縣知縣 李涵醅 晴江

公諱祖啓字克賢別號敬齋誠菴公次子也生而岐嶷讀書十行下早歲遊庠意氣激昂自謂青雲直上屢戰棘闈未捷退而窮經如故當是時父誠菴公董理祀事念切振興公心孝慮乃父之倦於勤也恒代爲籌畫里閭稱善久之兩大人相繼逝世公方痛抱蓼莪而族又堅請爲陳平宰嗣是而追報前人鼓勵後進其事乃身任焉黃氏遷暨始祖葬平石珠山十九世祖葬上斯清涼寺側兵燹後塋蹟湮沒公協族

搜求墓圖度坵壟披荆棘遂復兩祖墓迄今馬鬣依然無恙歲祀弗替且爲八世祖議立庠田資諸生之膏火爲七世祖倡建義塾資幼學之課誦高曾而下無祭田捐貲經營置田若干畝以隆享祀皆公之力居多顧及雖綜理冗煩而好學罔閒春雨秋燈披經誦史孜孜忘倦歲戊午恭遇

純皇帝萬壽詔天下宿學老儒年躋八旬者均得與鄉會兩試一體考校授銜公應詔赴試登秋榜上禮闈白首蒙恩欽賜翰林院檢討一時名公巨

卿僉嘆曰矍鑠哉是翁叠有贈章既而退居林泉杖履優游治家嚴而有法長幼秩然內外無閒言淑配趙婦德堪嘉勅贈孺人丈夫子三長世烈次世勲縣學生三世杰上舍生

贊曰語云老驥伏櫪志在千里烈士暮年壯心不已洵哉公終身力學躋蹙於少壯飛騰於遲暮搗香蟾宮分光翰苑誰謂蟠溪彪夢其已晚耶

晉太傅詒書願黜發欲夢其曰劉

晉太傅詒書願黜發欲夢其曰劉


晉太傅詒書願黜發欲夢其曰劉

晉太傅詒書願黜發欲夢其曰劉

晉太傅詒書願黜發欲夢其曰劉

晉太傅詒書願黜發欲夢其曰劉

晉太傅詒書願黜發欲夢其曰劉



崑圃公傳

婺東歲貢生

杜學海

蓬洲

公諱學源字日湧號崑圃是荷公之子也年甫週失
怙家徒四壁立母王太孺人矢志撫孤支持門戶艱
辛備嘗斯時公猶髫齡焉逮長每念母氏劬勞竭力
營生爲孝養計久之家益饒膳益豐配徐孺人舉子
名復初太孺人含飴弄孫已壽近古稀矣公入成均
以母節請旌學使者表其門大郡伯采入郡志節孝
傳此心乃稍自慰焉公爲人渾厚誠篤一生志行在
敬事其先八世祖爲石崖公高祖爲鴻序公公秉理

祀政續置膏腴而且倡立塾田資蒙養也立庠田科第田勵進取也自公逝世後祀益豐亨兩祀各出貲以建別廟旅楹軒敞輪奐頌美皆踵公之事而增焉者也抑匪特此焉六世祖爲行吾公會祖爲完璞公向無圭田公念祀典不可以不崇也會諸父昆弟按丁輸粟倣國服出息之法權其幣餘以所羨各置田若干畝迄今刻豕烹羔歲時上塚奉祀勿替祭畢子姓頒祭肉歲致優胙於公以爲常蓋嘉公報追之孝思而酬其勤也宋季妖僧楊璉真伽亂發塋攬殉葬

物故黃之遠祖多剗馬鬣封以掩其跡至事平竟有不能復識者歲庚寅得黃氏先世墓圖公協力尋訪遂復始遷暨陽祖承遠公墓披棘荆鐫碑碣各輸貲立祭田以崇歲事土穀神祠舊湫隘不足以昭祈報公會族更建廟貌重新規模於以宏邃公之孝於其親敬於其祖與有功於其族者大畧如此其他睦婣任恤美行不可殫述卒年七十有六識者猶恨老成之遽謝云

贊曰經稱顯親爲孝爲褒崇其親者言也公表彰母

汝耀公傳

大理寺評事周臺


公諱熠字汝耀彬六十八聲遠公季子也卯年失怙
昆玉三冢兄蚤世母蔡太君調護維艱壯有室俾各
自樹立爰與仲汝功公析居焉公業儒念世業寢微
株守不足以贍養遂棄鉛槧事懋遷十載經營獲貲
倍蓰慈帷滫瀡暨坵壟窳窳一身任之無旁貸維時
仲兄家益替公分多潤寡弗稍吝久之以厝祖青尖
山券併公欲返券償貲又恐貲罄他售也厚其值而
姑納之未幾叵測徐姓指鹿爭山公鳴理三載約費

數百餘金乃得直嗣於先塋左右續置山畝嶂疊巒
重松楸森茂拄笏瞻望者莫不仰而歎曰氣佳哉鬱
鬱葱葱然此某氏之兆域也迄今馬鬣崇封依然無
恙自公之厚恤其兄也兄家亦頗安其奈無祿仲兄
父子同週棄世閱二年猶子婦又遺藐孤必達必法
溘然長逝公念兄雖異居有年忍令厥後孤立無依
乎攜歸而齒諸孫行撫育教訓罔或歧視由是復合
爲一家云後公疾革呼子莊木囑曰母老宜孝子幼
宜教而汝伯孫枝尤宜覆庇余叨祖蔭幸拓磁基向

客開化東市見凡零丁孱戶加意賙恤矧兄裔耶立
有汝戶田十七畝零俟若輩能撐持以冊授旃勤菑
畚以供粢盛庶吾兄吾侄之靈其克妥乎汝謹誌之
弗忘言訖而瞑是命也子承父詔孫遵祖訓相敬相
愛聚廬而居者歷三世其後公諸孫以食指繁析爨
立祭田頒先疇以汝戶田屬必法成公志也今父老
猶能道其事盛稱公德弗衰

贊曰自世道衰而荆樹就枯葛藟莫庇幾不識姜家
被華萼帳爲何物矣公養生送死任厥勞不以櫻兄

慮復哀己產以贍兄後友于之誼敦錫類之孝彌彰
不亦翹出晚近也哉



[Faded vertical text columns, likely bleed-through from the reverse side of the page]

菊巖公傳

開化教諭程

杼

公諱其驥字德甫號菊巖行燦七百五十六紹衣公
四子也少讀書知辨難聞見層出縉衣公甚器之莊
重寡言喜怒不形時目爲皮裏陽秋又具幹濟才履
險如夷卒未嘗爲過當事弱冠丁父艱其時兄逝矣
弟幼母樓太君命主家政內外秩如旋入國學爲上
舍生逮母歿哀毀盡禮與堪輿家遊得抔土窆窆之
售者鬼蜮多詐鼠雀紛興邑侯三至其地公以理勝
不屈嘗撫膺曰苟利吾親死生以之塋域卒獲以安

且惟孝故友當時兄筠齋公病劇託以孤公教養之
既遊庠名噪郡邑而誠勉益深蓋慮懈所學也黃氏
自五季遷暨千百餘年於茲矣二十八世祖承遠公
墓三十四世祖茂德公墓遭兵燹荒渺難稽公抱痛
久之嗣得墓圖偕宗人訪其地脩墓而還并輸貲展
謁祀事賴以常昭生平廣交遊一時知名士如山陰
吳君壽昌東陽盧君衍仁同邑蔡君英趙君概皆樂
與往還而尤稱莫逆者莫如盧故其子思亭先生及
孫秋槎太史前後聘主講席命諸孫受業禮意懇摯

弗衰性公而慈抑強扶弱遠近賢之喜賙恤好施與
乾隆庚午歲饑出粟賑散貧困多沐其惠焉配陳氏
生一子甫週齡以疾終公慕管幼安王摩詰之風終
身不續絃享壽七十有四

贊曰覓古壞脩遺墓孝子慈孫之心盡矣而敬禮師
儒風雅足稱焉拯濟里閭任恤足尙焉至家號素封
英年鼓盆不續鸞膠以視多收十斛麥輒欲易妻者
相去奚啻霄壤哉嗚呼吾又以知公爲義士也

時法與會得與訪知吾又以味公氣難

其平短益不辭憐恩以斯矣此十指琴神

論風謠以擬詩林爾思我此此尚無至樂


實曰實古難前最善者于其然之小處矣而

泉不辭然早辦小十會四

坐一子甫野嶺以無絲公蔡管於尖王翠嶺之風

海利與千賦繪出粟銀婚貧因必水其惡惡晒刺天

收莫抄公而感此而枝疎密改建之喜眼創故故



集善生三三蘇

虛谷公傳

廩膳生王應銓

公諱楚相字聖德號虛谷時煇公季子也其先以詩禮傳家號素封至大父中落公少孤母張孺人孀居力難支持命諸子析炊公以勤儉起家恢拓前業事母先意承志曲盡懽心越數載伯氏卒子僅週齡公敬寡嫂撫孤遺二十年如一日教育兼至并經紀其家增置田園悉歸之族有妻寄食舅氏而身出外傭者歲久不歸舅氏鬻其妻公知之憤甚止籃輦不得去媒氏至解囊還其金媒氏有難色公曰若不聽余


言余必與若難媒氏懼事遂寢破鏡重圓迄今猶頌
其德弗衰黃氏家廟舊傾圯族僉謀重建功鉅事繁
而難其人公不敢告勞協贊其事并輸金百餘以紓
公帑閱數寒暑告竣今之新廟奕奕者與有勞勩焉
凡遇歲歉公出粟平糶道光甲申邑侯勸殷紳周郵
公踴躍輸餼襄成賑務大憲給額獎勵他若脩邑廟
建考厰以及梨嶺長潭各處凡設義渡構涼亭捨田
捐金以成美舉絕無吝色嘗語人曰我見事有不便
心爲惻惻動然則忠厚性成殆漢氏所謂長者歟公

早廢舉子業援例爲上舍生而心慕儒雅平居親師
重傳敬不稍懈賓客宴會侃侃聲徹戶外臧否人物
具有卓識處族黨片言解紛決斷如流非首鼠兩端
者比閩里欽爲老成練達云淑配趙孺人子二長大
岳先公卒幼來岳國學生克繼家聲孫曾森森玉立
公生乾隆壬申卒道光丙戌享年七十有五

贊曰自來術侔陶朱富過猗頓者衆矣然積而不散
守財虜耳若公之賑阨蘇困猶有先世望煙遺風所
謂繩其祖武者非耶至襄建家廟以伸妥侑益足見

公仁孝之思已

非惟至孝也



...

...

...

...

...

...

...

儀友公傳

從姪孫其煥 雲巖

公諱吉麟字儀友庠名永清圻五百五十一其行也
昆玉四公居三生而醅樸不事華靡舉止端恪少年
有老成風父萬超公課諸子讀綦嚴而公尤聰穎但
其寄跡芸窗恒慕定遠伏波之爲人謂丈夫經世須
長鎗大戟安事毛錐遂棄佔畢嫻習韜幹受知督學
彭公補右庠弟子斯時公正弱冠也及壯善居積家
世饒裕公食時用禮樽節之先疇增式廓焉閭黨廉
其勤慎力能恢拓前業委以九世祖石田公祀事俛

主出納經營十載悉就理享祀豐腆且以贏貲續置
祀產厥功不無小補云六世祖錫蕃公有祭田無庠
產公瞿然曰先人隆追報孝思獲展矣而後進無鼓
勵將佑啓之謂何爰議立庠田若干畝以獎英俊迄
今諸生膏火永賴焉公生平布衣疏食甘淡泊而於
當爲數義舉輒慷慨樂輸庚辰歲重建宗祠族衆踴
躍從事公輸資襄工克濟其美邑城試士向無文場
以琴堂及東西科作試屋諸士紛競坐席囂且塵上
殊非雅觀縣大夫蔣諭紳士捐貲建棚公聞命輸朱

提一笏勉助衆擊他若拯貧蘇困分挹餘潤口碑亦
多在人不不足爲公數要其一生之大畧蓋如是已淑
配蔡孺人子四長元鶴次禹甸縣學生季松鶴四聯
鶴孫十五人元孫二十餘人務畊讀森森玉立公生
於乾隆己巳七月十七亥時卒於道光己丑二月十
九子時享年八旬卜葬於楊梅山之陽

贊曰儉以處家和以處族自少而老咸以忠厚長者
稱難已身考終子孫逢吉語云和氣致祥公之謂與

... 吉南云... 耶斯堂

... 自... 耶斯堂

... 耶斯堂


... 耶斯堂

... 耶斯堂

... 耶斯堂

... 耶斯堂

... 耶斯堂



佳峯公傳

刑部主事 王景沂 允升

公諱安邦原廷石字佳峯岐陽公子也母吳孺人昆
季三公居長幼而機警長益敏達既入郡庠因父焦
勞家政歎曰有子而弗能祇服父事用勞之謂何遂
經紀其家勤孝養敦友愛洩洩融融慶溢門庭逮父
卒殮殯竭情盡慎風木之感終身不輟家素以貲雄
於鄉公益拓前業於舊宅東偏鳩工庀材構大厦數
百楹聿新堂構奉耄母終養伯仲乃析炊焉性喜節
儉而於四方往來孔道行旅艱難之區凡創橋梁郵

舍輒慷慨仗助故捐田於裡浦鎮暨官員嶺莊資杠
梁之需也捨山於梨嶺寺僧助路亭之施也此雖衆
擎易舉而踴躍樂輸沾賜良多其里人勒石誌美蓋
不欲沒公之善也嘉慶間歲旱道殣相望大憲發粟
平糶諭村莊富民各濟其鄉之窮餓於是闔族倡義
設廠煮粥朝暮分給公輸粟助賑邑侯嘉其事贈額
曰誼敦桑梓示獎也黃氏宗譜自康熙庚子修輯歷
八十寒暑中間欲修不果者再公念氏族繁盛不可
不及時編纂也歲己未協族議修延博雅者編輯校

訂公則總持庶務措置咸宜家乘之修明與有力焉
晚年步履維艱謝絕人事優游自適嘗謂冢嗣德功
曰吾見家廟傾圯有志修葺而未逮此心終覺歉然
耳公歿後越數載族謀新廟貌諸子以及公祀貲奉輸
二百金德功并身任其事成父志也公享年六十有
四淑配姚相夫成家子三德功德麟皆上舍生幼德
階孫曾振振繩繩慶衍螽斯矣

贊曰自來濟世利人者衆矣惠無論大小要其利濟
之心一也以觀公好善樂施襄成美舉蓋有足多者

鎮邦公傳

乙酉舉人陳祥曦椒堂

公諱廷虎字鎮邦號帝柱遐年公冢嗣也生而岐嶷甫髫齡出語已驚其長老父顧而喜曰此子必克紹箕裘逮長儀容英偉有智勇蜚聲頻璧屢試不得志喟然曰人生掇巍科擢高第選備千城蓋有命焉何強求爲雖然上之弗能效力國家次之亦當爲祖宗有用兒孫公蓋將繼述先志而有所爲也初遐年公秉祀政語父昆從議於大宗祠之東爲世祖石崖公暨鴻序公合建別廟逡巡未果公鳩工庀材經營七

載告厥成功雖施黜聖勤丹蘄踵事者增華要之昭
穆森巖春秋享祀迄今得以入廟告虔者皆其創垂
所致也公善居室恢宏舊緒性好施陋窮無告者輒
加意溫卹歲歉米價騰貴民不聊生公協族賑濟邑
侯聞之給額嘉其義其才識明敏遇事能斷救人之
急解人之危弗驕弗吝遠近心欽焉公壯年失怙哀
毀極誠喪殮如禮恐傷慈母心益勤孝養問安否視
寒暖無時豫怠年近知非邁疾彌留之際嗚咽而言
曰子於父母生盡養喪盡哀稍慰寸心吾父逝世早

空抱終天之恨今二豎爲災殆弗能起慈幃衰邁終
養無望負痛九原矣含淚而逝臨歿不忘其親又如
此淑配蔡繼配袁子五德泰德盛德懋德朝德琮遊
膠庠列成均皆克自樹立云

贊曰古者廟制視爵爲等數自涑水創影堂紫陽易
影爲祠著於家禮其制遂通行上下蓋伸妥侑奉烝
嘗俾各致其仁孝之思也黃氏聚族環居旣有祠以
祀其先矣公顧率衆經營更建近祖寢廟報本追遠
此心曷有極耶

此亦具有避嫌

其於文卷中本與物皆更思其



昔得各煖其以季文思以黃凡

漢繼國善以寒顯其請教既

贊曰古昔商周斯衛為等燻自

聖率以效以昔衷自慰

其贈酒祭繼既復于正德泰

美流望貧富此氣天會而故

空許然天之助合二聖為災

聖和公傳

從姪

之忻介園

公諱萬年原廷惠字聖和岐陽公次子也自幼聰穎甫入塾矢口成誦能通訓詁逮長狀貌魁梧修八尺有餘意氣凌雲嘗投幘歎曰大丈夫當乘長風破萬里浪安能埋頭雪案局促效轅下駒因習韜畧補右庠弟子既而岐陽公捐館居喪盡禮服闋應試旋舉甲子孝廉北上不第斯時公年已四十矣念母氏吳孺人春秋高絕意仕進板輿承歡綵衣娛老愉愉如也昆玉間敬愛交至不減姜被田荆比析炊田疇取

薄瘠臧獲取老弱友于之誼足多焉家素封揮霍好義歲大侵蒙袂輯屨之徒多所施予涸鮒賴以存活貧無以婚喪無以殮者輒解囊相贈至若焚孟嘗之券贈范叔之袍所在多有蓋公之好行其德天性使然也居恒耿直自矢遐邇愬以事抑強梁扶寡弱排難解紛咸資質成鼠雀構釁必曲爲和解問出己貲以釋其爭邑侯下車聞公風義每接見嘖嘖稱道不置性好客有孔北海遺風以故門外多長者車轍時而閉戶投轄爲平原十日之飲興酣起舞擊碎唾壺

其豪興又如此治家悉遵禮法朔望必展謁祠廟爲
閩里矜式享年六十有五而考終其卒也四方弔奠
數百人至有涕泗交橫者淑配徐三子大潮德亮凌
雲府學生繼配姚四子化龍縣學生飛熊己亥舉人
德恒德化孫二十人長清瑞縣府學生曾孫四方興
未有艾云

贊曰本立道生誠哉有子之言也公內敦孝友由是
而睦婣任卹皆至性所推而放焉耳觀於神愴執紼
涕零奠芻可知沐麻被惠者深矣

神容奕奕世世大威威德惠壽終全

...

貴曰本立敬之精造百千之旨也

...


...

...

...

...

...



礪溪公傳

之炘 介園

公諱德元字善長號礪溪廷照公之幼子嗣於季父
廷璐公者也廷璐公甫弱冠赴玉樓之召母趙孺人
秉志守貞奉舅姑命以公爲嗣子養而能教俾之成
立年十八補博士弟子念母氏苦節曲盡孝養問視
靡懈逮考終擗踊毀瘠水漿不入口者數日哭泣盡
哀喪祭盡禮蓋嘗讀蓼莪詩未始不三流涕焉公善
居積經紀家政井井有條家日以豐然積而能散賑
恤貧乏無德色道光癸未歲歉邑里磬磬大令勸殷

紳各出粟賑濟公亦慨然樂輸縣給額獎勵顏曰誼篤鄉閭蓋嘉其義也去宅東半里許爲東北孔道有巨溪橫亘其間俗呼義渡旃其名不知始自何時號稱義渡而實無司渡者每遇洪水迅發春漲瀰漫羈旅往來多臨流而返公名隔溪居人給以行筏且捐田數畝以其租入爲渡貲俾渡口守候利濟行人自公歿後越十餘載里人議建橋梁諸子重輸膏腴贊成其事今之長虹高跨不至蹇裳濡軌者皆公有以倡之也初公嘗欲表揚母節有志未逮及疾革誠其

子曰吾生平無他憾所可憾者吾母青燈白髮苦志
數十年未及見 旌典之錫耳汝曹能承吾志俾母
氏勁節貞操呈諸當道邀 國家褒揚大典吾目瞑
矣言訖而逝今之烏頭綽楔屹然挺峙表潛德亦以
成孝思也淑配翁氏系出名門婦道無愆子三梧上
舍生萬鍾郡庠生模國學生

贊曰公易簀時諄諄以褒卹爲言可謂臨死不忘其
親矣卒之榮膺寵錫光耀閭里其亦可忻慰於九京
也夫

也夫

...

...

...


...

...

...

...

...



黃氏家譜

列傳目 五

春史公傳

譚廷槐

鷺峰公傳

吳之濂

禹績公傳

姚鑑賡

秋莊公傳

中

玉文公傳

金懋桂

廉菴公傳

譚廷槐

迪人公傳

蔡欽堯

尹徵公傳

金生

輔卿公傳

盧作霖

輝山公傳

姚鑑賡

玉峯公傳

姚鑑賡

理甫公傳

姚鑑賡

雪山公傳

趙瑩

芝庭公傳

姚鑑賡

家譜目五

黃氏家譜

黃氏家譜

金生校正

裔孫肇基編述 中訂定

臣標參閱

列傳五

春史公傳

增廣生 譚廷槐 壽軒

公諱復卿字秉正號春史夏濬公長子也出繼於二伯父夏疏公為嗣母陳孺人邑庠生桂儒公女早逝世繼母戚孺人性頗嚴公愉色婉容承順之心無所

不至弟三人觀以正族黨無間言貌端重言不妄發發必當理里有不中繩墨者遇公咸凜然心折幼就塾通訓詁長從婺東杜蓬洲夫子遊器重之授以經史觸處洞然公高祖辰樞公練勇平寇沿溪築壩磯頭立文明閣顏曰安瀾亭西建靜遠樓爲學舍一時人文蔚起太史仇公滄柱書贈以儒林模楷大曾祖竹梧公由廩入貢著有語孟問辨四書融註經書字義竹梧外編等集行於世載入郡邑志曾祖妣陳孺人捐田二十餘畝立爲望煙義學供經師贄脩勒石

於祠採入邑志公以累代儒素振興文教志在纘前
裕後故植品愈謹勵學益勤誦讀無間寒暑精時藝
尤工古作嘗與張敬齋先生相唱和著有詩賦雜咏
膾炙人口噫如公之才詔金門步玉堂易易耳乃高
山流水莫遇知音何時命之窮耶設帳浣東泮芹貢
樹森列門牆所尤難者湖藻張麟元公女又佳拜在
門下以父呼公公訓以詩古有寒燈課女圖一幅多
名流題詠楓溪山海關分府朱魯堂公慕張姑才聘
爲幼媳著有聽雨樓詩稿幾與駱昭華相頡頏皆公

陶成力也德配徐孺人邑庠生宗崙公女中年琴斷
不復續絃子名遷邵援例入成均公臨終時痛囑之
曰安分守業無待再訓惟我祖所建之安瀾亭爲一
村文明所關風霜剝蝕樓三層傾其二我族飽學之
儒屢試莫售幾三十載汝董其事宜重修之邵公唯
唯言訖而終越咸豐丁巳邵公興工重葺勿辭勞瘁
約費千緡辰公祀內積資不敷所費少藉族中貧襄
之力至戊午告竣丁未歲試游庠食餼者接踵相繼
文風丕振人謂邵公能遵父命承祖志矣孫嘉福德

福克興家業公以乾隆丁未生成豐辛亥卒享年六十有五卜葬橫塢山

贊曰存心孝友處世端方敦倫飭紀四方之綱湛深經術下筆成章絳帷肆設英雋滿堂數奇不偶抱璞而藏守身如玉志潔行芳安瀾亭榭懷允不忘喬高梓卑克迪前光

軒輿良庶前水


而難守良賦正志驚言共安關亭樹舞武不忌齋高

盤雨不難知章絲鍾輾始英識齋堂樓冷不問時對

贊曰許少華文與世繼式煥命猶辨四式之聯盛宗

士育正小藝難謝山

跡衷與案業公以諱蜀丁未坐殉豐辛亥卒享年六



鷺峯公傳

舉人 吳志濂 澄波

鷺峯黃公諱來岳楚相公仲子也家世代有聞人爲
邑望族公生而偉岸性豪遇事敢言善爲人排解義
聲流於屋邑間居家孝友兄大岳裁冠而逝侄纔三
週撫立成人愛之如己出讀書多冥悟以父邁遂屏
棄鉛槧援例入成均治家人生業敏而能勤家日富
有以所贏拓宅居於宅之北延堪輿擇地於周宅門
前得吉壤以合葬父母經理元祀權子母置田畝以
作賢庠產然慷爽尤有足多者公外家趙日凌夷所

遺子貧無以娶公家有婢春梅年及笄買妾者爭以重金啗之公念外家之將斬也惻然以春梅贈且餽奩資外莊村範蓮者公族黨也聘何氏氏父沒叔覲其式微遽改字而範蓮家實貧困號於族公痛之出己資爲訟於官卒判合至今兒女成行矣同里徐先生煦齋爲諸生領袖設局郡城代給新生贄資公會割膏腴助之歲遇歉里人乏食所藏粟每糶平價以爲常賑饑民邑主李公給以匾額曰誼敦桑梓去村東五里名李嶺多行李往來公出資建涼亭焉

浣江水勢急駛舊有義渡簞僅存虛名涉者病之自
公捐腴田不聞褰裳矣自村而北十里爲五竈村大
江截其南地當衝要衆議創立義渡公復捐田并出
資建驛舍他若贈袍焚券種種善舉載在口碑者指
不勝屈云公生嘉慶丁巳六月二十日卒同治丙寅
二月十二日享年六十有九元配斯孺人生二男長
彙慶國學生次吉慶舉人殉辛酉難女四長適議叙
縣正堂趙偉堂次適郭祖棠三適上舍呂景春幼適
舉人徐人俊繼娶馬孺人生一男桂慶孫五人次孫

觀賢世襲雲騎尉

論曰積而能散難矣以公所為學士大夫且不可況

今之齷齪守財虜哉公遠祖嘗急人之急當方臘之

難輸以金贖被擄萬人命置藏書樓改顏曰望煙以

次給貧者至今猶樂道之豈其遺風與

黃氏家譜卷之八

黃氏家譜卷之八

黃氏家譜卷之八

黃氏家譜卷之八

禹績公傳

知州銜試用訓導山陰

姚鑑賡

伯申

公諱德功號禹績佳峯公長子也佳峯公以碩德懿行望重里閭其事具祥本傳而公善繼述又恢張之肯堂肯構至諸善舉無吝色亦無德容邑之中輿有頌里有碑無慮弗傳也今年其族脩宗譜孫文炳將舉公行事以爲家乘光則請述公之有功於宗祠者嘉慶庚辰洪水驟發宗祠半被衝壞佳峯公謀新之志未逮而長逝公泣受遺命踵事而增華樑棟之材務求大木柱以石堅固逾常施黜聖勤丹雘極廟貌

之盛費貲鉅萬而公身任其勞奉輸祠產二百金又
質己產以益之族以公在勞子孫例給優旌有以見
公之遺愛在人也族中有一女未嫁而夫死遂守不
字之貞以歿者公倡立貞節祠以爲勸其志識遠大
類如此其族博塢山有四世祖塋在焉上去十里許
居人採其石以漁利族人恐鑿傷塋脈屢立禁約而
旋約旋背自乾隆迄道光訐訟不休至公爲宗祠總
理乃大會族人由縣而府而司以至上控總督積卷
尺餘氣不稍餒卒得直今其譜內載石宕案斷說有

南山可移此案不可易之語然則公之有功於宗族
爲何如哉公生於乾隆庚寅卒於道光壬寅德配石
氏孺人繼楊氏孺人子三孫曾森森玉立
論曰春秋記廩災廟毀而不書修復明乎興廢之難
也公身任廟事勞其力又輸以財族之人春秋展祀
未嘗不仰瞻廟貌而俯思遺烈而公以不朽矣況善
舉之在邑者尤不勝殫述哉

奉文存母香火不觀舉世若

未曾不吟翻胸際而前思叢然而冬以不冰矣則善


出於其丑醜事快其衣又縛以楸葉之人春殊氣強

舖曰春殊踏實災穰幾而不書迨其間乎與親文雖

凡熱人難對刃誰人千三終曾森森王立

為同吹踏公坐放諱劉夷寅卒放散光壬寅齡百

南山何蘇此案不石長女醜然明公女育也然宗烈



秋莊公傳

從孫

中西巖

公諱琮原名穀字性善秋莊其號也公之孫泰吉觀
吉詣祠囑余爲公傳余曰禮有云稱揚其先祖之美
而明著之後世此孝子孝孫之心余生晚不獲詳見
德行又拙於文安能爲公傳固辭不得爰舉聞知者
而述其梗概焉公父竹亭公嘗念環溪公遺言謂吾
家不可斷讀書種子見公穎異命業儒從婺東鼎雲
盧夫子學甚敬師躬滌褻器恐公荒業朝夕親行饋
食公日夜把卷誦習耳不外聞目不他顧一日竹亭

公朝饋公正發憤不聞見竹亭公俟讀畢命之食歸而喜曰光吾門閭者在此子矣公博通經史善屬文每構一藝才思濬發腕不給書見者方之陳大士年二十八竹亭公溘然長逝擗踊哭泣弔者憐之是年公丁艱院試期屆守制不赴母樓太孺人強命曰倖獲雋汝父亦忻慰泉下也公乃赴受知於督學阮公補博士弟子員後緣塵務日蹙公遂絕意進取經理家政省度支節服用家漸豐盈建大廈以繩祖武嘉慶己未續修宗譜考據詳明公與有力焉時曾祖靜

齋公大父環溪公俱未安厝公請於伯希仁公曰願
任二公祀產權子母生息以爲塋葬計乃遂委任於
公後延堪輿於四十都得二吉地葬靜齋公於月角
葬環溪公於黃泥山頭樓太孺人享年九十有五而
終於內寢公之哀泣一如喪父又覓地三十五都新
田灣卜宅兆而安厝之族以五大祀委理貲無多越
數年而置產贏餘今中秋祠祭得宰牲牢按丁頒胙
公之功口碑藉藉也至鄉里鼠雀事是是非非扶弱
抑強非隨世波靡者所得而同語配蔡孺人內助稱

賢舉丈夫子三長篆宿儒次笛幼策縣學生賢媛一
適縣城北隅陳寅教孫六曾孫五方興未及公以乾
隆戊子生以咸豐癸丑卒享年八十有六

論曰昔王彥章有云豹死留皮人亡留名彼朱梁一
武士耳尚知名之當留況吾人讀書何事可不以名
自勵乎然歷觀公之懿行本非爲立名計也而名卒
歸於公何哉蓋公之學業雖激成於親而公之事功
實根於至性也當其綺歲爲文日試萬言倚馬可待
固不難奮翮天池蜚聲鳳闕奈緣時務蝟集而僅以

一衿終惜哉


黃氏家譜


列傳

秋莊

三

卷之三





五文公傳


眷晚生 金懋圭 梅坡

公諱德麟字玉文端書其號佳峯公仲子也生而英異頭角嶄然及長風度端凝好讀書輒多心得凡事闕倫紀者莫不挺身直任是以色養嚴君友愛昆季教子孫悉有義方待鄰里戚族出以慈祥并尚氣誼崇禮讓明取與恤鰥寡矜孤獨既不縱情以傲物亦不趨蹊以附勢每自策曰律身當如秋霜待人總貴春煦當時遠近人恒不得面公為恨自析箸後家益殷富例入成均尤能慷慨仗義樂善好施迹其祀襄泌公堂贊望烟酬宗功也金貢考棚田捐冊局培士風也拯嬰輸產崇文出穀樂生成也義渡溪施田湖藻江舍畝濟行旅也他如路鋪十里牌橋助永豐閘設渡會而洪流勿病立襄濟而徒杠永賴種種善端

屈指難數嘉慶中近里一寡人積負纍纍欲休妻償債聘書已成公知之直底其家力戒勿出公不但焚其券且多補其罅漏即眾人亦感公厚誼悉還券而返晚年優游好靜自澡身浴德外世務恒不介懷惟兢兢焉繼志述事恐墮箕裘以貽先人羞迨年登古稀堂闈壽域賓朋滿座公左提壺右把盞換次勸飲極其歡娛越數日無疾長逝殆羽化然淑德姚蔡二孺人貞靜嚴肅有古陶母風蔡舉丈夫子一字中楨修身齊家足徵學養孫男三長元佐經理農桑次元良幼元長咸就儒業曾孫四曰昌熊曰邦熊佐之合璧也曰寶熊曰有熊良之雙珠也森森然環列庭階他日必能張大門楣豈僅為威鳳優龍競爽一時已哉然公之美德非余所能述也茲畧舉其梗概登諸譜牒而鋪

張盛事揚厲鴻休以俟燕許手筆發其幽光也可
論曰昔魯子敬指困與人後世尚稱其德范希文麥舟助葬當
時樂道其仁觀吾公積德累仁慨然好施其足令人頌禱者較
二公為何如乎然魯范裔孫簪纓勿替而公亦克昌厥後易曰
積善之家必有余慶可為吾公證也矣

五文公暨姚太君墓圖



此圖坐三十六都冠字一千二百五十一號山拍五厘土名吳大塢嶺

并未字孫女附祖墓左手

五文公

廉菴公傳

增廣生譚廷槐

齊軒

公諱德琮字以權號廉菴帝柱公五子也生而機警
多智謀四歲失怙六歲失恃痛椿萱之彫謝感風木
而悽愴早析居因未婚配合爨於二兄伯仲之閤藹
然敬愛事之如父好讀書無人培植遂棄佔畢理家
政年十五自立門楣德配斯孺人舉子四廷泰國祥
瑞銓瑞書公以廷泰膂力方剛足備干城之選講習
韜畧弓石騎射無一不精道光庚戌補右庠弟子咸
豐壬子舉於鄉命國祥瑞書從學於徐小笠夫子門

下其教子有方督率姪輩嘗以遠大期之公以勤儉
起家構棟宇置田園恢宏舊業貲益盈裕援例入成
均凡所經理堂襄衍慶會集崇文祀承鴻序廟輔龍
泉或出資或勞力有振興無廢弛他如考棚冊局泰
山廟重錄菴五竈渡生生堂諸捐款無不踴躍輸將
襄成義舉道光癸未歲歉哀鴻磬磬邑侯勸殷紳出
粟賑濟公亦慨然樂助縣給額獎勵顏曰誼敦桑梓
其樂善好施又如此宅東月形山下名義渡簾爲東
北要道巨溪橫亘其間里人議構亭屋建橋梁公與

諸君子重輸膏腴以租作用并竭盡心力與爲經營
自此長虹高跨人無病涉咸豐甲寅仲秋洪水迅發
漲痕瀾漫公慮橋板衝激力難驟辦遣工人拆藏亭
屋水退復建詎料水勢奔狂工人被溺公躍身援救
工人活而己成寒疾醫藥不治竟於八月十六日賫
志以歿公以嘉慶辛酉八月廿四日生享年五十有
四噫以公之勇而騰達皇路必能捐軀殉國何止區
區爲公身亡耶聞者皆歎惜之

贊曰溺猶己溺聖賢之心也今公欲救人之溺而竟

迪人公傳

署嘉興秀水縣教諭內弟

蔡欽堯

煦嶠

公諱吉慶字迪人姓黃氏世居璜山父鷺峯公入國學母斯太孺人生子二公其季也少讀書知大義長有武才狀貌魁梧修眉上聳凜凜有奇氣學使者吳公偉其器遂入右庠咸豐乙卯舉於鄉時粵寇煽亂蔓延東南公談論時事輒慨然曰大丈夫爲國除害効死疆場此其時矣兩試兵闈不第屢有從軍之志因親老不果而壯志終未嘗一日已也歲辛酉賊陷金華逼鄰邑公紉甲礪刃日與練師裘姓者習兵法

將倡設團練爲防堵計無何賊兵猝由婺東下竄入
璜山居民倉皇四散公方與子弟輩侃侃談禦賊事
而賊兵已近公居即束戎裝率子弟數人突圍而出
賊莫敢近公自是益輕賊矣時鷺峯公在徐里眷屬
在上林公至徐里見鷺峯公遂赴上林安撫眷屬越
日負鎗腰刃出近村窺探賊勢賊已退里中逃避者
多未回邀同志數人至其家諭之曰賊烏合衆耳殲
之可盡也何懼爲言訖喧聲震地賊復至驚起遇諸
門發火鎗不中抽腰刃連斃數賊賊見後無繼者益

竒公召其屬環集之格鬪良久力竭被擒先是賊必
欲生致公因勸之降公曰我男兒也恨不殲盡醜類
以報國恩豈從汝作賊耶劫以刃公張目曰我能殺
賊豈畏死者遂遇害時咸豐辛酉九月初四日也距
生於道光癸未十二月十八日年三十有九越一年
賊平當道上其事奉

旨依陣亡例賜卹雲騎尉承襲三世公配蔡宜人余
女兄也婉孌有淑德生三子長炳勲襲職次觀深次
觀成

黃氏家譜
論曰公蓋勇於赴義者方其力屈被擒有死無他諒
以生平自分不容苟免詎計沒世之榮竟至斯耶乃
卹典優厚延及苗裔

聖朝褒忠之至意固有度越尋常者公亦可瞑目於
九原矣爲公後人者宜何如感激而圖報耶炳勲學
習期滿今夏
陸見回營其敬承之尙無斁哉

音丞谷其圖聚集文辭關頁八
卷之四
陸見回營其敬承之尙無斁哉

尹徵公傳


從姪

金生麗龍

公諱三聘原來聘字尹徵雲一公子也公年甫冠失
怙恃家徒四壁無以資誦讀遂棄鉛槧事懋遷不數
十年獲利倍蓰漸致富有置膏腴數百援例列上舍
生構大廈數十楹以光昭先業立學田庠田以鼓勵
後人公之志不可謂不遠焉初困時若將以飯糗終
身及其貿易營生克勤克儉至中年而家業隆隆起
貲財雄於一鄉且積而能散凡近地義渡靡不忻然
樂輸以故鐫碑勒石名垂不朽年逾八旬精神矍鑠

邑侯 蔣贈公壽序其文因遭兵燹毀觀公一生適符三多之祝洵可謂罕有者矣原配金孺人生丈夫子五長連元國學生次連玉三連珠國學生四連瑞邑庠生幼連潮中道光庚子舉人任本邑城守繼娶陳孺人生女一適蔡村邑庠生袁檢孫十六遊庠者十一人曾孫十八元孫四方興未有艾云公生於乾隆丁亥卒於咸豐壬子享壽八十有六暨金孺人合葬四十七都井霞廟後山陳孺人葬水口桐樹山頭論曰五福之中首壽次富奈人生往往有富而不壽

壽而不富者惟公兼而有之殆亦福人歟其行事雖
無實驗而子孫振繩螽斯衍慶不可謂非先人之遺
澤也



出

實細而子姪辨縣論淇濟變不可購非共入文數

而富香謝及兼而林之亦取人換其行舉

輔卿公傳

邑庠生 盧作霖

公諱仁友字輔卿元標公之幼子余祖柯巖公外甥也少失怙事母以孝聞而友于之篤有姜田兩家風家本寒素而公克勤克儉以裕生計不數十年廣置膏腴聿新爽塏合族推豐裕焉而公之辛勤節儉視疇昔無少殊至其敬禮師傅周濟鄉鄰則又若頓忘其創業之艱辛者如落馬橋五竈橋義渡簞橋以及繼成堂基地大宗祠捐資踴躍輸將無一毫慳吝意若咸豐年閩邑尊勸賑飢公即慨然樂輸蒙賜情殷

桑梓額尤其較著者嗟乎自世俗澆漓而睦婣任郵
之風渺乎未有聞矣即間有矜言慷慨輕財帛好施
予又以不務本業家資寢薄適爲慳吝者所藉口今
觀於公之勤儉是務也始終無二致及觀公之慷慨
好施也彼此若兩人洵足以式浮靡而激澆薄者矣
德配徐孺人系出名門夙嫻姆教佐夫成家井井有
條聞族中推賢助者必以孺人爲稱首迄今現年九
十康健猶昔長子瑞雲太學生幼子際雲例貢生俱
助父創業聿振家聲次子彩雲甫壯逝世媳俞氏青

年矢志冰霜媿潔論者皆謂公之家教整肅所由致
云孫五人長維聰業儒次炳達錢庠生三炳奎四炳
洪俱勤儉守家五炳鑑業儒元孫世昌殆所謂庭前
玉樹森森方興未艾者矣公生於乾隆癸巳卒於咸
豐庚申享年八十有九


豐與中享甲八才官氏

法樹森森衣與未艾香矣來志無疆到矣日平付短

英揚機劍守察五洲輝瑛滿天慈世昌餘似補雲南

之靈主人外益懸樂壽穴兩豈疑道生三洲奎四融

平與流光謙散際備香官階在文案拜望肅寂由姓



輝山公傳

癸酉舉人
棟選知縣

姚鑑賡

伯申

公諱中琪字美東號輝山善長公長子甫冠失怙遵
父遺命服闋後即以祖母趙太孺人節孝聞於朝
載乘建坊以爲宗族光又以重金卜宅兆爲祖父母
窀穸安且吉拜掃先塋必躬親之曰水有源木有本
則孝思油然而生也友愛兩弟悉根至性公以節儉
率於家幼弟中瑜公性豪邁卒能體卹周至老無間
言家素裕而公更擴充之然非能聚不能散也凡官
員嶺諸處橋梁之建邑中生堂育嬰之資皆割膏

腴以贊成之利濟之思大可見矣性好讀書以秉理
家政未遑卒業乃訪聘遠近名師教子弟禮貌之隆
名士咸樂就之倡文會厚其獎賞以待族中俊秀暨
邑設冊局使新進有所取給公尤樂輸俛事克舉其
志在栽培惓惓於後進如此居恒寡言笑而和靄之
氣接之如坐春風雖遇橫逆未嘗有疾聲厲色非其
度量過人遠哉公爲國學生生於嘉慶癸未卒於咸
豐己未德配毛氏繼樓氏張氏生三子長毓祥縣學
生自有傳次毓珣三毓璋六女第五女遭粵逆之難

罵賊不屈被戕事聞得 旨旌獎噫一孱女子而節
義自重臨變不奪貞烈出於性生亦以見公之善教
云

論曰士重德行孝友睦姻任卹公能兼之則大本立
矣而況敦禮名儒栽培後起尤以斯文爲己任者乎

朕以養成之利濟之恩大...

家政未竟...

各士咸樂就之...

臣設...


矣而武...

歸曰士...

云是過...

遂自...

以類...



玉峯公傳

癸酉舉人棟
選知縣山陰

姚鑑賡

伯申


公諱模字宗瑜號玉峯德元公季子幼失怙長兄宗
琪次兄宗璇甚友愛之公尤敬事兄嘗曰吾事父未
能見兄如見父也隨行之誼老而彌篤兩兄相繼逝
哀慟至不忍獨生喪葬有加禮性超邁讀書不屑章
句之學援例入成均常留心地理爲妥先靈計一日
偕堪輿家至四十都大門莊得吉兆歸謀諸兄力購
之其孝友類如此辛酉之難大宗祠頗遭折毀簿冊
無存者合族推公爲總理或慮無下手處公乃先查

祀產繼派畝捐一脩整而祠宇煥然并謀重建神廟
事罔不舉演三綠園公祠產寢薄公倡議以族新進
諸生輸穀爲忌辰祭祀費又約同志作潔清會朔望
洒掃祠宇尤其難者遠祖秘公墓在嵯邑鹿胎山歷
宋以來从蒙荆棘同治四年族之在嵯者以墓可稽
查來告公遂邀族人至其地極鑿幽搥險之勞旣而
果得其所立碑誌焉并勸族中輸穀石權子母爲永
遠拜掃計至深密也非仁人孝子之用心曷克若此
哉公旣以宗族爲己任恐譜系歲久失次因先繕草

譜與族中謀輯之無何事將行而公歿今年譜牒告
成其族人咸嘉公之志云公生於嘉慶壬申卒於同
治辛未孺人徐氏又孺人吳氏子五長國璋舉人次
國楨邑庠生次毓禮次毓楚幼毓功俱入成均女二
論曰士夫而乃心家國出有事處亦有事以公之徇
徯山水似無所事者及觀其秉理祀事百廢具舉非
才識之過人歟

卷之三

三



理甫公傳

癸酉舉人棟
選知縣山陰
姚鑑賡
伯申

公諱煥章字理甫號佩蘭兆熊公次子其仲叔夢熊
公早逝世無子以公爲嗣少時兆熊公問所願以讀
書對比長弗以家事間誦讀受業於斯雪圃先生刻
志苦學凡自齋歸省往來途次必請題於父師在試
寓每日必構一藝不使片時間故造詣益精縣府試
輒前列雖數奇不售而公不以得失介懷先生愈器
重之壯歲授徒遠近爭聘施教以敦行爲重文藝則
因材而誘掖之得其緒餘者采芹如拾芥歲必數人

咸豐己未冢嗣圭如補諸生公亦援例入成均所構
制藝不下二千篇惜兵燹後無存稿而門下受公繩
削者咸奉爲枕秘云性至孝事繼母尤恭順侍疾衣
不解帶旣沒擗踊哭泣吊者以之觀禮元配斯孺人
內助最賢不幸逝世延堪輿擇地厝殯得吉壤名立
蟹形公將葬其祖父母有尼之者曰祖父母未葬有
諸父昆弟在君讀書人覓地頗難公謝之曰正以忝
爲讀書人不敢出此耳卒葬祖父母今後裔振興人
皆謂得吉兆所致其至性誠篤如此初公出繼本與


昆季分居逮兆熊公沒公憐季弟失怙謂之曰與吾
合爨經理出入有餘與汝共之否則不汝累也後因
食指日繁家計中落公悉以己產應之其友愛又如
此平居慷慨喜施與尤篤於友誼一日過市有友負
空囊貿貿然來問其故曰家中絕糧市人嫌予貧莫
予貸也公邀至家即贈以米後常伺其急而周之戊
午鄉試遣冢嗣充膳錄生得數十緡公至省有友同
寓抱病不入場公罄其所有以資湯藥俟愈而歸囊
無一錢暨邑風俗除夕家宴閉戶不啓有友叩扉延

之入與敘飲以急歛告公質己物以應之後友獲利
冢嗣往索己物友不償歸以告公公夷然曰彼果願
償何待於索索而不償是汝速之負矣故凡有伙助
不責券不立簿辛酉粵寇之難公挈眷屬避於東白
山時家益落而暨之被禍尤酷斗米千錢賊退聞家
有遺穀百餘斛命冢嗣先歸嗣悉分給鄰里孤寡者
倍之公知而喜曰吾有子矣公生於嘉慶壬申九月
廿二酉時卒於同治壬戌十一月廿七戌時享年五
十有一臨終時冢嗣病亦劇公呼其婦曰外有乘輿

逝吾吾將去矣婦泣問所言公曰吾有子尙何言與
含笑而逝公元配斯孺人生二子圭如森如繼配徐
孺人生三子翕如純如繹如孫四成美成法成鎬成
渠

論曰士重務本曰孝曰友曰慈公處其難而皆能善
全之其重氣誼輕財粟求之富家翁尙不多觀況貧
士乎余與公子圭如爲莫逆交服其爲謀忠交友信
則曰公之教也今年其族脩家乘囑爲文以傳公出
其行狀厚如番莢限於體例無能多書然其落落大

著邑之人無異辭焉故予之傳公也信



雪山公傳

邑庠生趙

瑩 逸菴

公諱連潮榜諱殿祥號雪山尹徵公季子也天性孝友在家庭怡怡無間言儀狀魁梧膂力過人與世相接率性真重然諾不尙文貌亦不喜多言幼習儒書殊嫌拘苦謂大丈夫欲顯親揚名直須長鎗大戟建殊勲於萬里外安事毛錐子爲遂棄青毡嫻習騎射旋遊泮宮中道光庚子亞魁人皆以連捷相望未幾春闈報罷論者惜之而公宴如也嗣因尹徵公年邁不復計偕入都隨撫軍効用至同治三年分補紹協

黃山家譜
左營副府爲本邑城守得封贈考妣可謂克自振拔
光其前業者矣公初至任適當兵燹後衙門悉就灰
燼僦居民房乃下鄉懇捐起造衙舍奈時勢孔艱輸
捐不敷遂慨出己資貼銀三百餘兩以成厥功今堂
構森巖煥然一新者皆公力也夫近世官吏往往有
假築城修廟課派捐輸就中取利以充宦囊者其視
公賢不肖何如耶居任六年與邑尊時相燕會絕不
聞有請囑事歷任邑尊若性之朱公爽階李公皆以
是相稱重古有非公事不至宰室者公庶幾其近之

矣父尹徵公以勤儉起家雄於貲凡近地義渡各有
田出捐獨於閭邑册局尚未捐及公析爨後慨捐己
田若干以補其缺殆所謂善繼善述者歟其生平與
世周旋慷慨仗義不可干以私大率類是元配金孺
人生男四長文運邑庠生次文森邑庠生次文校次
文楷邑庠生女一適本邑庠生呂炳煌繼配樓孺人
續配袁孺人生一男文蛟邑庠生孫四人長孫永鑑
踰成童卽遊庠其餘森森玉立繼起者正未有艾非
公之貽謀足以裕後曷克致此公生於嘉慶己巳卒

於同治己巳享壽六十有一
贊曰孝友其性兮英偉其姿惟其急公兮難干以私
義氣凜凜兮靜默而常若有所思令推轂而司專闕
兮安知不銘勒燕然而著旁續於邊陲吁嗟黃君兮
胡爲而止於斯

芝庭公傳


癸酉舉人棟
選知縣山陰

姚鑑賡伯申

公諱金錫字毓祥號芝庭美東公長子性至孝幼失
恃事繼母以禮撫兩弟尤友愛以故先意承志常得
二人懽少時讀書目數行下出語驚座人有浣東一
人之目而識量宏遠意度謙退屢憫於有司咸豐戊
午鄉試膺首薦以得卷稍遲額滿見抑鄉先輩俱爲
扼腕而公益砥礪於學不以得失爲忻戚也尤喜裁
成後進族中子弟可造者必循循然掖誘以底於成
惜天不假年中歲獲一衿未久而卒嗚呼其可哀也

已公學術純粹尤惇品行粵逆之難盡棄家資但負
宗譜一冊以行曰財賄身外物也惟譜系爲身所自
出一失置昭穆無可稽矣其敬宗收族之心臨難不
忘如此今其族纂脩宗乘卒賴公所存者以資考證
遠近尤服公之高見云公生於道光乙酉卒於同治
乙丑享年四十配斯氏貞靜有德舉族稱賢媛焉生
三子五女
論曰豐於才者嗇於遇幾爲造物已成之例公負奇
偃蹇并奪其年豈果冥冥者有以忌之歟然未登下

壽其文傳其行傳視世之耄而視蔭者何如耶噫



黃氏家譜

列傳六


建中公傳

榮庭公傳

吉慶公傳

起潮公傳

翁庵公傳



康永公樹

德隆公樹


吉靈公樹

榮興公樹

德中公樹

德和公樹

德茂公樹



黃氏家譜

從裔衣照參閱

族姪其本編輯

裔孫鼎勳參閱

從裔錦瀾參定

從裔錦湘參閱

從裔庚明參閱

列傳六

建中公傳

歲貢生候選教諭錦瀾霞洲

蓋不朽之節有三曰立德立功立言此固人所難能而可貴者下此雖甚無所表見於世流傳於後而猶不失

爲鄉黨忠厚人則又不可多得如建中公是已歲己亥
吾族修輯宗譜至夏季新舊傳文業已刊刷大半公之
孫武舉殿鰲乞予一言爲公傳余因爲時甚迫不自揣
譎陋遂爲撮其崖畧如左公鎮八百三十六諱德懋號
建中國學生家本素封公則不挾多財不逞豪勢惟是
謙卑遜順誼敦桑梓亦儀式枌榆以故鄉之人共稱爲
有道長者居家嚴謹有法教子不失義方昆季五人公
居行三於兄則敬於弟則愛無所施而不得其當至於
平爭息訟不輕是非周急濟貧以利方便道路口碑藉

藉義聲流於屋邑間予固不煩贅述德配張孺人子三
女一繼娶金孺人女二公生於乾隆己酉卒於咸豐辛
亥享年六十有三與兩孺人合葬下榔灣龜形現在後
裔熾昌簪纓弗替咸謂公厚德所致云

論曰周以忠厚開國旣獲報於世三十年八百則公之
以忠厚傳家者詎曰無報耶宜其雲祚遞衍冠帶代榮
令人豔稱不置

令人頓首不置

以出到樹深苦頭曰城壁喉宜其靈斷脈亦於外


備曰此以忠氣與國同而靈斷外對三十平六百康公之

請錄昌發數共替與願及學靈和煙云

女車平六十會三與兩杯人合轉可賦斷羅歌既存

文一機變金熱人女之杰主外神道与酉卒外賦靈

動海經附外靈時謂年固不致廣股除酒相其人子三



榮庭列傳

光緒紀元之二十有五年歲在己亥八月不佞奉憲檄署理杭郡仁和縣學教諭接琢甫六日而我友黃篤生明經函來屬爲其族人榮庭君作家傳且言家棗將竣矣其速成之篤生端人也其言當不妄爰爲節其來狀如右君諱遷邵字維周榮庭其別號也父春史府君端方孝友有聲屋邑館於同里湖藻者久君幼承庭訓謹言慎行年十三母徐棄教哭泣如成人由是廢讀捐資爲上舍生力服賈以爲教見父年邁屢勸不就館穀甘

旨無缺無何府君病危奉侍湯藥夙夜唯謹諭厠之事
必躬親之府君自知不起屬曰我六世祖建靜遠廩延
甬江滄柱仇先生主講席高祖時菴公親承指授青緇
世業萌芽於此廩之巽方又建安瀾亭以啓文明於我
闔族實爲良方廩高三層聳山俯流風雨侵剝已圯其
二故積學族士卅季以來賁迹青雲每歎其人汝若董
祀事宜亟修之君謹遵治命蓄志七載經始於丁巳落
成於戊午遂復舊觀所費千緡公貲不給則嚆將伯皆
一手所經營者也己未以後擬芹黌序食餼上庠者肩

背相望父老至今頌德不衰先是元庚二公祀田以塋
蔭涉訟割棄殆盡自君經理資產倍增於舊管理新誠
二公祀一絲一粟皆有赤籍可稽族之人以爲能勤所
事咸優獎福祚焉德配徐孺人名門淑德舉丈夫子二
長慶孝鄉貢生能繼述先志掌理諸祀及義塾保嬰諸
局談者皆謂有父風焉次聖孝出嗣季弟遷程迄今孫
曾林立門楣式霽於舊蓋君厚德之報云君生於嘉慶
癸酉卒於咸豐辛酉享年四十有九與徐孺人合葬於
王公塘屋後之原

論曰浣東黃氏昔在宋時簪笏之盛蜚傳浙右而溯其
淵源所自實種德於贈衛尉仲驥公也君固其苗裔哉
跡其行誼儻所謂無忝爾祖者耶則後嗣之興詎有涯
乎

乙亥 恩科舉人五品頂戴歷署處州景甯縣學杭州
餘杭仁和縣學教諭亮公甫吳忠懷撰

黃吉慶傳

浙江忠義錄

黃吉慶原名邦泰諸暨人寄籍錢塘咸豐乙卯武舉咸豐十一年九月賊掠諸暨璜山吉慶與同族武生黃永泰擊退之賊偵知其名率衆突圍其家吉慶立斃數人奪路潰圍出賊奇其勇併力追獲之及至營吉慶昂藏自若呼賊進酒疊飲數觥召羣賊至案前歷數其罪賊但唯唯曰君曷稍屈吉慶怒以杯擲賊面賊恚縛置架上出利鋸脅之罵益厲賊知不可奪刃剖其腹吉慶至死罵不絕口賊驚爲奇男子云

以階其類吉夷至其莫不辨口其激

面類其類置榮土山其發發之類益

慈類其異類其類其類其類其類其類

香類其類自其類其類其類其類其類

其類人其類其類其類其類其類其類


黃其類其類其類其類其類其類其類

其類十一其類其類其類其類其類其類

黃其類其類其類其類其類其類其類

黃其類其類

黃其類其類



起潮公暨德配蔡孺人合傳

己亥余消夏做廬時農方登穀乃適郊野遊觀打稻
聲中田歌四起父老熙熙率稚子拾穗隴畝悠然太
古景象竊以爲人生何須功名富貴領得田家風味
可以終身矣行吟樾下樂而忘歸忽蓬頭兒報有客
在家則宗兄幼溪爲其友黃君春山乞先人傳來也
受其記畧讀之若欣然有會心焉遂不以不文辭而
次其言以筆之公諱起潮昇公冢嗣也昆季三皆以
誠謹見稱鄉曲而公尤以仁厚聞自高曾來足不履

公庭者四世家素貧業農勤勞稼穡養厥父母內外
稱孝無間言已而二人相繼逝世哀毀幾滅性行道
爲之歎息而公則不第能慎終也霞田始遷祖左泉
公祀資寢耗將不血食公與同志經理增置田畝祀
日以豐非追遠之誠所致歟且其性介而和一毫不
苟取人而雅好濟人匪初平米斗干錢响嚶相存活
尙不懈爲善志其乏嗣而病故者喪葬之暴露者掩
埋之是以人服其德排釋紛爭鄉里數十載無訟端
今謝世逾卅年矣而口碑在道頌其德者猶嘖嘖勿


衰先是辛酉之難被擄者不可勝計公挈眷避深谷
惟次子被掠乃不幾宿食以雞黍遺之米而遣歸之
事奇令人駭且疑顧亦公之德有足以動天而天之
報之也奇固然無足怪德配蔡孺人烏巖著姓也適
公後頻歲食貧性淑慎相夫子事舅姑以孝菽水盡
歡婉婉如無忝壺範生丈夫子六飲食教誨皆有方
當大兵後家徒四壁立藜藿難一飽孺人辛勤紡績
靡晝夜以致家無菜色未幾所天見背哀泣不欲生
頃之強自奮曰食指繁而財匱非力撐門戶曷以慰

地下人乃躬操井臼課子農桑以母慈兼父嚴如是
十餘載而家漸裕建棟置畝納媳盈門蘭孫蠹蠹而
猶督率維嚴以故諸子克振家聲其季子於同治癸
酉已棄書二載會族修譜從叔作梅公乞繼爲嗣孺
人執以仍使業儒方可遂得復舉子業不數載飛聲
黌序人於是又高孺人之志而恤孤寡賙親鄰雖老
不衰凡四時祭享蘋蘩膳膳必躬親乃安故中饋修
儀尤遐邇所素稱孺人壽七十有五諸子入成均者
一入邑庠者一孫八曾孫一頭角崢嶸蓋天之報施

善人方未艾也

光緒二十五年季夏之月

廩貢生候選訓導徐道政拜撰



劉實主知避廣編命錄如我財

光緒二十五年於華夏文月

入大木文也

翁庵公傳

公諱春福字廣生號翁庵國學生自幼警敏讀書能見其大尤通知世途險夷物力盈虛之狀弱冠失怙無伯仲之助遂絕意科目事廢著積銖累寸不妄費絲粟而奉母氏必豐潔由是家業日隆隆起一日謂德配趙孺人曰今日得稍行吾志矣孺人曰奈何公曰有財貴能用用財貴得當敦本收族首事也其次課子孫其次急義行我六世祖旭青公生三子中子今絕墳塋散落精魂無依餒而之嘆等若敖矣雖於我五世親盡其初兄

弟也其初一人之身也吾能秦越視乎因訪得遺墓數
穴於村北羅嶺山藏石誌之并立一祀曰翊贊歲時祭
享無缺上白石田公暨近谷公守谷公祀俱總其成彙
整典禮必盡善乃止公長子饒幹畧念公筋力衰日涉
衆事而家事又繁不堪其勞請廢舉子業襄家政公勃
然曰以吾廢書早日夜望子積學甚今乃作是語耶我
自樂此不爲疲也不許再三泣求乃稍稍分任之而望
次子心益切命從學徐李堂及東陽吳菊泉族叔篤生
三先生既又與菲同肆業崇文書院於丙申科受知徐

大宗師聲藉膠庠間前程靡量當必有大慰公望也
公有從兄弟各廣榮者居誠及元孫也家貧甚所業不
能自活父母歿公爲經紀其喪廣榮公壯猶童心公懼
其不能自立也遂收其人於家厚撫之過則規之友愛
之忱若親兄弟然且亟爲聘配今則兒女成行已有舉
孫之望其他扞人之難周人之急嘖嘖掛人齒頰者不
足爲公贅也公樂於橋亭道路及諸募捐事四十六都
湖藻村爲金衢巖孔道津渡處無亭榭行人苦之道光
間公族兄栽安公集衆資建亭於溪南未幾圯於水光

緒戊寅栽安公以重建事囑公公銳身任之捐資於光緒十一年買張姓糧田若干畝爲基址鳩工庀材刻期告成他如清潭橋崇祿庵聚善堂翊志書院皆著有捐名其用財之當爲何如耶於戲此乃公所謂得行吾志者耶自營宅一所名其堂曰遂志蓋取有志得遂之義也公生於道光甲午卒於光緒庚寅享年五十七歲趙孺人後公三年卒享年五十二歲生丈夫子四長鼎銘號黻廷例貢生次鼎勲號卿輔郡庠生次鼎烈號屏臣國學生次鼎葵號波城舉孫八錫盪錫琳錫珍鼎銘出

季華炳華永華德華明華鼎勲出一門之內蒸然太和
其餘慶正未有艾也

論曰當世儒者束髮受書卽以龍斷爲念及得志升斗
之糈不能施及兄弟者皆是也況於宗族之遠乎公少
佔畢長奇羸程卓其術而曾閱其心亦可以風世矣
癸巳舉人揀選知縣世愚姪朱斯華薰沐拜撰

一 榮已舉人軒觀吹鏢封為錄求世榮藻科發聯

卧學射台繼漢卓其游而會國其亦表百以風封突

文辭不斯激其果策若皆最出以公來封文激平志

餉曰常出酬清束邊安善聘以歸隨終念死於志代

大補國五未育女也

李華以華派莊縣華即華鼎煉出一門之內蒸然太

